

# *MBADWA ABRAHAMU*

 **Bukhu la Genesis kachiwiri, mutu wa 22, kuyambira ndi ndime ya 15, ndipo ife tikuyembekeza tsopano kuti tingoyankhula kwa mphindi zochepa ndi kuyamba msonkhano. Genesis 22, kuyambira ndi ndime ya 15.**

*Ndipo mngele wa AMBUYE anamuitana Abrahamu kuchokera kumwamba kachiwiri,*

*Ndipo anati, Mwa ine ndekha ndalumbira, atero AMBUYE chifukwa iwe wachita chinthu ichi, ndipo sunamukanize mwana wako, mwana wako yekhayo:*

*Kuti mu kudalitsa Ine ndidzakudalitsa iwe, ndi mu kuchulukitsa Ine ndidzachulukitsa mbewu yako monga nyenyezi za kumwamba, ndi monga mchenga umene uli mmaphepete mwa nyanya; ndipo mbewu yako idzatenga zipata za mdani wake;*

*Ndipo mwa mbewu yako mitundu yonse ya dziko lapansi idzadalitsidwa; chifukwa iwe wamvera liwu langa.*

<sup>2</sup> Ndi lonjezo bwanji, chifukwa cha kumvera! Kumvera ndi chimene Mulungu amafuna. Zinanenedwapo kuti, “Kumvera ndi kwabwino kuposa nsembe.” Kuwanvera Ambuye ndi chabwino kuposa nsembe iliyonse imene iwe ungachite.

<sup>3</sup> Ife tikuyang’anizana tsopano ndi mutu wopambana, usikuuno, *Mbadwa Abrahamu*, amene ankatchedwa “atare wa Chikhulupiro,” chifukwa chakuti Mulungu anamulonjeza iye kuti adzalandira dziko lapansi, ndi Mbewu yake. Ndipo ndi kudzera mwa Abrahamu ife, pokhala akufa mwa Khristu, timadzakhala Mbewu ya Abrahamu ndi olandira cholowa limodzi ndi Iye malingana ndi lonjezo.

<sup>4</sup> Tsopano, Abrahamu anali munthu wamba chabe, sanali chinachake chapadera. Mulungu sanamuitane iye konse, monga momwe ife tikudziwira, kufikira iye atafika usinkhu wa zaka sevente faivi. Mkazi wake, amene anali mlongo wake wa theka, ali wausinkhu wa zaka sikisite faivi pa nthawiyo, iwo mwinamwake anali atakhala limodzi kuyambira ali aang’ono kwambiri. Ndipo iye anali wosabereka, ndipo analibe ana. Mulungu anaitanira kudzilekanitsa kwathunthu, kuti adzipatule yekha kwa dziko lonse, ndi kuchoka kwa anthu ake onse, ndi kwa abale ake onse. Panali chinthu chapadera choti iye akachite.

<sup>5</sup> Ndipo pamene Mulungu akuyembekezera kuti uchite chinthu chapadera, Iye amafuna kudzilekanitsa kwathunthu kukukaikira kulikonse. Iwe umayenera kubwera ku kumvera

kwathunthu, kumvera zimene Iye akunena. Mulungu amafuna zimenezo. Iwe sungachite zimenezo mwanjira ina. Ndipo, tsopano, Iye nthawizonse amapereka chitsanzo, ndipo chimenecho chinali chitsanzo Chake, cha kudzilekanitsa kwathunthu ndi banja lake lonse, abale ake onse, ndi zina zotero, kuti akayende moyo wolekanitsidwa kwa Mulungu.

<sup>6</sup> Zaka zinadutsa, palibe chimene chinachitika, komabe Abrahamu anagwiritsitsabe. Iye sanakhumudwitsidwe. "Iye sanadzandime konse pa malonjezo a Mulungu kudzera mu kusakhulupirira, koma anali wamphamvu, akupereka matamando kwa Mulungu."

<sup>7</sup> Chaka ndi chaka, pamene zinkadutsa, mosakaikira otsutsa ambiri ankabwera ndi kumati, "Abrahamu, tate wa mafuko, uli ndi ana angati tsopano?" Izo sanadzandime nazo. Analibe mwana, ndipo Sarah anali atadutsa nthawi ya moyo, wobereka ana, ndithudi, anali atadutsa nthawi ya kusintha kwa thupi, komabe Abrahamu anakhulupirira Mulungu chimodzimodzi basi. Iye anali kumukonzekera mwanayo, chifukwa iye ankadziwa ndipo anali wokhutitsidwa kwathunthu kuti Mulungu sakanapanga lonjezo limene Iye sanali wamkulu mokwanira kuti alikwaniritse.

<sup>8</sup> Mbewu yake ikuyenera kumaganiza chinthu chomwecho. Mosalabadira momwe zikuwonekera kuti si zenizeni, momwe zimawonekera kukhala zosakhala zachirengedwe kwa malingaliro achirengedwe, komabe Mulungu sangakhoze kupanga lonjezo limene Iye sali wamkulu mokwanira kuti alisamalire. Ife tikukhulupirira chinthu chomwe chomwecho lero. Mbewu yowona iliyonse ya Abrahamu imakhulupirira chinthu chomwe chomwecho. Ziribe kanthu momwe zinthu zikuchitikira, nzeru zochuluka bwanji zimene ife tadziwunjikira, ndi zinthu zingati zimene zachitika, momwe izo siziri zachirengedwe ku malingaliro achirengedwe, momwe izo ziriri zopusa, kani, kwa malingaliro achirengedwe, izo sizimapanga kusiyana kulikonse. Ngati Mulungu ananena choncho, ndi zimenezo. Ndipo Mbewu ya Abrahamu imakhazikika pa PAKUTI ATERO AMBUYE. Izo zimakhazikitsa izo.

<sup>9</sup> Ife tikupeza kuti, patapita zaka twente faivi mtsogolo, opanda ana. Ndipo komabe Mulungu anali wokhulupirika kusunga lonjezo Lake kwa Abrahamu, pakuti Abrahamu ankakhulupirira Mulungu. Mnyamata wamng'onooyo anadzabwera powonekera, Isaki wamng'ono.

<sup>10</sup> Kenako Isaki wamng'ono atabwera powonekera, ndiye tikudzapeza kuti Mulungu anamupatsa iye mayesero apawiri. Iye anati, "Mwana uyu..." Atakhala tsopano pafupifupi usinkhu wa zaka handiredi ndi fifitini, kapena twente, Abrahamu anali. Iye anati, "Ndikufuna kuti umutenge uyu,

mwana wako yekhayo, ndipo umutengere iye kuphiri limene Ine nditi ndidzakuwonetse iwe, ndipo kumeneko ukamuperekira iye, pa phiri ili, ngati nsembe.” Mwakuyankhula kwina, akawononge umboni uliwonse umene iye anali nawo wosonyeza kuti lonjezolo lidzakwaniritsidwa. Kumeneko ndi kuchotsa zinthu zonse zachirengedwe.

<sup>11</sup> Ndipo Abrahamu anati, “Ine ndinamulandira iye ngati mmodzi wochokera kwa akufa. Ndipo ndine wotsimikizika kwathunthu kuti Iye ndi wokhoza kumuukitsa iye kwa akufa.”

<sup>12</sup> Amenewo ndi anthu tsopano Mbewu ya Abrahamu, chifukwa Iye anatiwukitsa ife kuchokera kwa akufa. Ife tinali akufa mu tchimo ndi zolakwa. Ndipo Iye Amene anatha kusintha malingaliro anga, kusintha kuganiza kwanga, kusintha chikhaliwe changa, anandisinthia ine paliponse, Iye akhoza kuchita monga Iye akufunira. Chirichonse chimene Iye anena, ine ndikukhulupirira kuti icho ndi Choonadi, ndipo Mbewu iliyonse ya Abrahamu imakhulupirira chinthu chomwe chomwecho.

<sup>13</sup> Abrahamu, posakhala wosamumvera Mulungu, anamutenga mnyamata wamng’onoyo. Ndipo mmawa uwu, anawauza antchito, “Inu mudikire pano ndi mphongolo. Ndipo mwanayu ndi ine tipita kutsidyako kukapembedza, ndipo iye ndi ine tidzabwerera.” Oh, iye azichita motani zimenezo? Pamene iye akupita pamwamba pa phiri, kuti akachotse moyo mwana wake yemwe, komabe iye akuti, “Mwanayo, mnyamatayo ndi ine tidzabwereranso.” Iye ankadziwa kuti chinachake chimayenera kuchitika. Ndipo iye samadziwa basi momwe Mulungu akanadzachitira izo; limenelo si funso lake. Iye akudziwa kuti Mulungu analonjeza zimenezo.

<sup>14</sup> Ndizo zonse zimene ife timasamala kuti tizidziwe, Mulungu analonjeza izo! Izo zikhala motani? Ine sindingathe kukuuzani inu. Koma Mulungu ananena chomwecho! Iye adzatumiza Yesu Khristu, nthawi yachiwiri, Iye adzabwera mu mawonekedwe a thupi. Iye adzatenga Ake Omwe. Padzakhala zaka wani sauzande, ulamuliro wa Zakachikwi pa dziko lapansi lino, ndi Iye, ndi owomboledwa. Ndicho chimene Iye analonjeza, ndipo ife tikuyembekezera ora limenelo kuti lidzafike.

<sup>15</sup> Iye analonjeza kuti adzachiritsa odwala, adzawukitsa akufa, azidzatulutsa ziwanda. Iye analonjeza kuti azidzachita zimenezo. Iye ali yemweyo dzulo, lero, ndi kwanthawizonse. Motani? Ine sindikudziwa. Iye analonjeza kuti azidzachita zimenezo! Ife tikukhulupirira zimenezo; izo zikukhazikitsa izo. Pamene munthu akhulupirira Mulungu, iye amakhulupirira zonse zimene Iye ati anene.

<sup>16</sup> Ndipo umo ndi momwe Abrahamu ankamukhulupirira Mulungu. Tsopano anafulidsidwa kuti awononge umboni

uliwonse umene lonjezo Lake ukana dzasamalira, koma iye anatsimikizika kuti Mulungu akanakhoza kuchita zimenezo.

<sup>17</sup> Tsopano, Iye sanangopereka lonjezo lalikulu ili lokha, Iye analipereka ilo kwa Mbewu yake, aponso. Ndipo chifukwa Abrahamu anali wokhulupirika, ndipo anasunga—Mawu a Mulungu amene Mulungu anamulonjeza iye, ndipo ankadziwa kuti Mulungu akanakhoza kumuutwsa mwana uyu. Ndipo sanamusunge mwana wake yekhayo; koma (Mulungu) anali choyimira cha Mulungu akumpereka Mwana Wake, ndithudi; pamene iye anali atanyamula nkhuni akukwera phiri, ndi zina zotero; monga Khristu kenako ananyamulira chipika Chake Chomwe cha nsembe, akukwera phiri, akupita kumene Iye anapachikidwa.

<sup>18</sup> Ife tikuzindikira kuti mu ichi, pochita ichi, zinamukondweretsa Mulungu kwambiri kuwona kuti Abrahamu ankamukonda Iye pamwamba pa chirichonse pa dziko lapansi, ngakhale mwana wake yemwe. Iye ankamukonda Iye kuposa chimene aliyense akananena, aliyense akanachita, iye ankamukondabe Mulungu mokwanira kuti akhulupirire Mawu Ake.

<sup>19</sup> Mbewu zonse za Abrahamu zimamukhulupirira Mulungu monga chomwecho. Iwo akukhulupirira Mulungu. Ndipo ife tikudziwa kuti izo zinamukondweretsa Mulungu kwambiri mpaka ichi ndi chimene Iye ananena, “Mbewu yako idzatenga zipata za mdani wake. Mbewu yako idzatenga zipata za mdani wake.” Kumbukirani, ndizo PAKUTI ATERO AMBUYE. Mbewu ya Abrahamu imakhulupirira zimenezo. Ngati iwe uli Mbewu yeniyeni ya Abrahamu, chikhulupiro chimene Abrahamu anali nacho mwa Mulungu, chiri mwa iwe. Ndipo iwe umakhulupirira, kuti zimene Mulungu wanena, Mulungu amasunga lonjezo Lake.

<sup>20</sup> Ndipo Iye ananena izo, tsopano kumbukirani, Iye anangopanga lonjezo ili lokha kwa Abrahamu Iye atamupatsa iye yesero. Mbewu ya Abrahamu imayenera kuyesedwa poyamba, kuti awone ngati iwo akukhulupiriradi Mawu. Kumbukirani, njira yokhayo imene iye ananasungira lonjezo la Mulungu, chifukwa iye anakhulupirira lonjezo la Mulungu, ndipo anayesedwa kuti awone ngati akukhulupirira Izo kapena ayi.

<sup>21</sup> Ife timabweretsedwa ku yesero limenelo. Mbewu ya Abrahamu, lero, imabweretsedwa ku yesero limenelo. Kodi ife titenga Mawu a Mulungu, kapena ife titenga chimene munthu ananena za Iwo? Kodi ife titenga chimene bungwe lina lapanga kukhala kachikhulupiro, ndi kuvomereza icho, kapena kodi ife titenga chimene Mulungu ananena? Ngati Mawu a Mulungu ali owona, tikhulupirire Mawu a Mulungu, mosasamala chimene china chirichonse chiri. Ife timasiya mawu a munthu aliyense akhale abodza, ndipo a Mulungu akhale

Choonadi. Mbewu yowona ya Abrahamu! Koma iwe usanakhale Mbewu yoona imeneyo, iwe umayenera udutse kaye mu yesero, monga anachitira Abrahamu, iyemwini. Iye sanalonjeze kwa Abrahamu yekha, koma Mbewu yake idzatenga zipata za adani. Oh, mai!

<sup>22</sup> Tangoganizani, mbadwayo inali yokakamizika kwathunthu mu zimenezo, mu yesero lake la lonjezo la Mawu a Mulungu, zinali zolondola. Mosalabadira kuti zochitikazo zinali chiyani, iye anakhulupirirabe kuti Mawu anali olondola. Abrahamu, mbadwa yayikulu, sanagwedezeke mu chikhulupiro, pamene iye anadzabweretsedwa ku nthawi yoyesedwa imeneyo. Iye anakhulupirira kuti Mulungu anali wothekera kumuukitsa iye kwa akufa. Iye anakhulupirira zimenezo, chifukwa Mulungu anapanga lonjezo. Ndipo pamene Mulungu anapanga lonjezo kuti iye akanadzakhala “atate wa mafuko,” ndipo iye anakhulupirira kuti izo zinali chomwecho. Iye sankadziwa kuti zikanadzakhala motani. Pamene mwanayo anadzabwera, iye atatha kudalira, zaka twente-faivi, kenako nkufunsidwa kuti amuwononge mwanayo, iye ankadziwabe kuti lonjezo la Mulungu linali lowona, ndipo iye anampereka mwana wake.

<sup>23</sup> Mbewu Yake, chinthu chomwecho! Lonjezo la Mulungu ndi chisindikizo, kwa iwo amene ali Mbewu ya Abrahamu. Lonjezo ndi chisindikizo, umboni wosainidwa. Ndipo pamene ife tikhulupirira Mawu olonjezedwa aliwonse, pamene po chisindikizo chimaperekedwa kwa ife, kudzatsimikizira lonjezolo. Mwaona, ngati ife—ngati ife, pokhala Mbewu ya Abrahamu, ife timadutsa mu mayesero kaya ife tikhulupirira Baibulo, kapena ayi. Baibulo ndi Mawu a Mulungu, chifukwa Ilo ndi Mulungu. Ndipo kenako titadutsa mu yesero, timakhulupirira.

<sup>24</sup> Pamene ena a iwo amati, “Masiku a zozizwitsa anapita.” Ngati inu muvomereza zimenezo, izo ndi zosiyana ndi Mawu.

<sup>25</sup> Ngati inu mukuti, “Iwe sumalandira Mzimu Woyerera, lero. Palibepo chinthu choterocho. Atumwi thwelofu okha analandira Iwo.”

<sup>26</sup> Mawu anati, Petro akulalikira Iwo pa Tsiku la Pentekoste, iye anati, “Lapani, aliyense wa inu, ndipo mubatizidwe mu Dzina la Yesu Khristu kuloza ku chikhululukiro cha tchimo, ndipo inu mudzalandira mphatso ya Mzimu Woyerera. Pakuti lonjezo liri kwa inu, ndi kwa ana anu, ndi kwa iwo amene ali kutali, ngakhale onse amene Ambuye Mulungu wathu adzawaitana.”

<sup>27</sup> Ndizo ndendende zimene Iwo akutanthauza. Ndizo, tsopano ngati inu mwakonzeka kuti mutenge yesero, yesero la chidulo la Mulungu, ndi kutsatira dongosolo limenelo, Ine ndikukuuzani inu, inu mudzapeza kuti Mulungu amasunga Mawu Ake, ngati inu mungawakhulupirire Iwo. Uko nkulondola. Koma inu

mumayenera kudutsa zimenezo, chifukwa ndicho chisindikizo; pamene inu mungawalandire Iwo, ndiye inu mudzalandira lonjezo. Chifukwa, Iwo ndi ndondomeko ya Mulungu, momwe ife tikuyenera kuti tizichitira izo, ndipo umo ndi momwe ife tikuyenera kumatsatira Iwo, basi zimene Iye ananena. Tsopano osati kwa ena okha, koma “aliyense,” aliyense amene akhulupirira, aliyense amene alapa, aliyense amene akhulupirira. Izo ndi za kwa mibadwo yonse, kwa anthu onse, aliyense amene akufuna kuti akhulupirire Iwo. Ndipo chikhulupiro mu Mawu a Mulungu chimakubweretsani inu ku lonjezo ili. Ndiye, ndi pamenepo basi, pamene mungakhale ndi mphamvu kuti mukhale ndi chisindikizo cha lonjezo.

<sup>28</sup> Ndipo lonjezo limene ife timalandira, chisindikizo, ndi ubatizo wa Mzimu Woyeria. Nzooza zimenezo. Pakuti ameneyo ndi Mulungu mma wonekedwe a Mzimu, inu kukhala Mawu Ake mwa inu, kenako Iye amadzalowa mktati. Ngati inu mulandira Mawu mwa inu, Mzimu Woyeria ndi chinthu chokhacho chimene chingawapange Iwo kukhala amoyo, ndipo zikatero mumadzakhala nalo lonjezo lotenga chipata cha mdani aliyense amene angayesere kuti akumenyeni inu. Uko nkulondola. Mulungu analonjeza zimenezo, ndipo ziri chomwecho.

<sup>29</sup> Tsopano, kumbukirani, inu mukhoza kungochita zimenezo nthawi imeneyo, ndipo nthawi imeneyo basi, mutatha kuyesedwa ndi Mawu.

<sup>30</sup> Abrahamu anayesedwa ndi Mawu. “Kodi iwe ukhulupirira, Abrahamu, kuti udzakhala ndi mwana?”

“Inde.”

<sup>31</sup> Mwana anadzabwera. “Tsopano muwononge iye. Kodi iwe ukukhulupirirabe izo, Abrahamu?”

<sup>32</sup> “Ine ndikukhulupirira izo, apobe, pakuti Inu ndi wokhoza kumuukitsa iye kwa akufa.”

<sup>33</sup> Ndipo zitatha zimenezo, Iye anati, “Tsopano, Mbewu yako idzatenga chipata cha mdani wake.” Amen! Yesero litabwera!

<sup>34</sup> Tiyeni tifufuze pa ina ya Mbewu ya Abrahamu, mu Mbewu ya chirengedwe. Chimene, ife tiri lero Mbewu yauzimu. Koma tiyeni tifufuze, mwa mbewu yachirengedwe, ya ena a iwo amene anakhulupirira lonjezo lathunthu la Mulungu, ndipo osati-... [Malo opanda kanthu pa tepi—Mkonzi].

<sup>35</sup> Ine ndinati, “Tiri pomwepo, kodi nchifukwa chiyani mtsikana wa Chikhristu amafuna kuwonetsa siketi yake yamkat? Ine sindingathe kumvetsa zimenezo.”

<sup>36</sup> Inu munabadwa mwatsopano, mwa Mulungu, inu muli nako kukongola kwa Mzimu Woyeria kuti mukawonetsere chimene inu muli, inu muli. Inu muli nawo ukoma umene masiketi onyansa awa alibe. Uko nkulondola. Mkazi weniweni wa Mulungu, amene amawonekera ndi ukoma, inu mukhoza kusekedwa,

ndi kumatchedwa wachikale; koma inu muli ndi chinachake chimene iwo sangathe kuchigwira, ndipo anachitaya icho ndipo sangathe kukhala nacho icho aponso. Úko nkulondola. Inu muli nawo ukoma. Ichó ndi chimene Mulungu amachiyang'ana, ndi ukomawo. Mukuona?

<sup>37</sup> Koma chinthu choyambirira, mukakhala ndi funso mmalingaliro mwanu, musachichite icho nkomwe. Musabwere mu mzere wa pemphero ngati muli ndi funso mmalingaliro mwanu. Musabwere pokhapokha mutakhulupirira mwamtheradi, motsindika, mulibemo funde mmalingaliro mwanu, nkomwe, koma kuti muchiritsidwa, ndiye muchoka pa nsanja iyi munthu wabwino bwino. Zonna zimenezo, pamene mulibe funso mmalingaliro anu, nkomwe. Inu mukuyenera kukhulupirira Mulungu, osati kudzipangitsa kukhulupirira. Kukhulupirira kwenikweni!

<sup>38</sup> Ndipo Mbewu ya Abrahamu imakhulupirira izo chifukwa Mawu ananena chomwecho, ndipo ndi chifukwa chake ife timakhulupirira izo. Osati chifukwa chakuti winawake watitsutsa, chifukwa winawake ananena chomwecho. Chifukwa Mulungu ananena chomwecho, izo zimapangitsa izo kukhala Choonadi. Pamene Mulungu anena izo, izo zimakhazikitsa mafunso onse. Iye ndi mawu otsirizira. Iye ndi mtheradi. Pamene Mulungu anena chirichonse, icho chimakhazikitsa izo. Palibe kanthu kalikonse kangayankhule motsutsa Iwo. "Mawu a munthu aliyense akhale bodza, ndipo Anga Akhale Choonadi."

<sup>39</sup> Tsopano pamene ife tikuwona zina za mbewu izi, tiyeni tiganizire. Ife timaganizira za ana Achihebri, ine ndiri nazo apa, ndikuganiza za izo, pa ana Achihebri, iwo atatha kuyesedwa motsutsana ndi kupembedza mafano. Tsopano, inu muzikumbukira, mfumu inati, "Aliyense amene sagwadira fano ili, adzaponyedwa mu ng'anjo yamoto." Tsopano, ana awa ankakhulupirira kuti Mawu a Mulungu anali olondola, kuti iwo asamapembedze mtundu uliwonse wa fano, koma pamene iwo anadzafika pa chiwonetsero ndipo anayesedwa ngati angatero.

<sup>40</sup> Pamene, ana ena onse kumusi uko analandira ndipo anapita kumakapembedza, iwo anapitirira monga momwe mfumu inanenera. Iwo anatsatira lingaliro lotchuka la tsikulo, kuti iwo akuyenera kuti achite zimenezo.

<sup>41</sup> Ndipo pamene iwo anayesedwa, kuti kodi azipembedza mafano ndi kuswa Mawu a Mulungu, iwo anakhala owona ku Mawu. Mosalabadira za zochitikazo, iwo anakhala owona ku Mawu. Ndipo pamene iwo anawaponyera iwo mu ng'anjo ya moto, lonjezo la Mulungu linakwaniritsidwa. Iwo anatenga zipata za mdani wawo. Ndipo panali Munthu wachinayi atayima mmenemo, ali ndi fungulo limene linatsegula kutentha kuti kuchoke ku motowo, ndipo iwo sukanachita kalikonse koma kuwamasula iwo. Ameni.

<sup>42</sup> Pamene mwamuna kapena mkazi akhala atakonzeka kuti ayesedwe, yesero la chidulo!

<sup>43</sup> Inu mwaona, iwo ankayenera kupita mu moto. Ndiyeno pamene iwo anatero, iwo anali mu moto, ndipo chinthu chokhacho chimene chinachitika, yesero la moto ili linangotsegula, linatenga—linachotsa zingwe kuchoka mmanja mwawo.

<sup>44</sup> Nthawi zambiri, Mulungu amatilola ife, pamene ife timakhala omangidwa ndi dziko, omangidwa, Iye amalola kuti mayesero amoto abwere pa ife, pamene ife timayenera kuti tipange chigamulo. Ndipo pamene tichita zimenezo, chinthu chokhacho chimene yeserolo lingachite, pamene Mbewu yeniyeni ya Abrahamu ikuima pa—pa mphambano ya chigamulo, ndipo nkupanga chigamulo kuti azitumikira Mulungu, izo zikhoza kungodula zingwe ndi kutipanga ife kukhala amfulu. Satana akhoza kukupatsani inu matenda. Iye akhoza kukupatsani inu chinthu chimodzi, chimzake. Inu mumadziwa bwanji kuti si Mulungu amene wakuikani inu pa mphambanoyo, kuti awone mtundu wanji—wa—chisankho umene mutapange?

<sup>45</sup> Iwo anatenga chipata cha moto. Moto sunathe kuwawotcha iwo. Panalibe ngakhale fungo la moto pa iwo, chifukwa iwo ankadziwa kuti iwo anali Mbewu ya Abrahamu, ndipo iwo anaima ndi Mulungu ndi Mawu Ake. Iwo anatenga a—zipata za mdani, ndipo moto sunathe kuwawotcha iwo, chifukwa iwo anatenga zipata.

<sup>46</sup> Mtsogolo, kunali mwamuna, mneneri kumusi uko, dzina lake Daniele. Iye anka... anayesedwa ngati angatumikire Mulungu mmodzi woona, kapena ayi. Ndipo pamene zinafika ku nthawi imeneyo, ngati iye atumikire Mulungu mmodzi woona, kapena azipembedza mulungu wachikunja, iye anakana kuchita zimenezo; ndipo anatsegula makatani, ndipo ankapemphera kwa Mulungu wake, tsiku lirilonse. Ndipo iye anatengedwa ndi zimenezo, ndi chilango cha malamulo a boma, ndipo anaponyedwera mkhola la mikango. Gulu la mikango yanjala inamubangulira iye. Kodi iye anachita chiyani? Iye anatenga chipata cha mdani wake. Mikango siinathe kumudya iye. Mulungu anatumiza Lawi la Moto, Mngelo amene anayima pakati pa iye ndi mkango.

<sup>47</sup> Iye anatenga chipata cha mdani, chifukwa iye anayesedwa kuti awone ngati akanapembedza Mulungu mmodzi woonayo, kapena akhala ndi milungu yachikunja thwelofuyo imene iye ankapembedza. Chotero iye anapirira yesero, ndipo anatenga chipata cha mdani. Mkango sunathe ngakhale kumukhudza iye, chifukwa Mulungu anali naye. Lonjezo la Mulungu linakhala loona, pakuti iye anali Mbewu yoona ya Abrahamu.

<sup>48</sup> Mose, oh, wina wamkulu. Iye anayesedwa, nayenso, kuti awone lonjezo limene Mulungu anamupatsa iye. “Ine ndidzakhala ndi iwe pamene uzipita kumusi uko.” Ndipo pamene iye anadzaima pamaso pa otsanzira mphatso yake, Ayane ndi Ayambre anayesetsa kuimirira ndi kukopera chinthu chomwecho chimene Mose analamulidwa kuti akachite. Ndipo Mulungu anali atamuyitana iye, ndipo iye ankadziwa kuti iye anali amene anatumidwa kuti adzachite ichi, ndipo iye anaima pamene po ndipo anachita chozizwitsa monga Mulungu anamuuzira iye kuti akachite icho. Ndipo apa panaima otsanzira, kuti achite chinthu chomwecho, koma izo sizinamuvutitse Mose. Iye anaima moona ku Mawu a Mulungu, ndipo iye anatenga zipata, ameni, za mdani, chifukwa iye anayima moona kwa lonjezo la Mulungu, zinalibe kanthu amene ankayesera kuti akopere izo.

<sup>49</sup> Ndi phunziro bwanji limenelo kwa Mkhristu aliyense! Pamene iwe uyang’ana pozungulira ndipo nkuwona wachinyengo, iwe umangokumbukira kuti iye akuyesera kutsanzira nkhani yeniyeni. Koma, zimenezo zimangotanthauza kuti alipo mmodzi amene ali weniweni. Imani moona ku Mawu a Mulungu! Ziribe kanthu zimene zikubwera kapena zikupita, sungani lonjezo Lake. Inde, Daniele anakhala woona ku Mawu a Mulungu.

<sup>50</sup> Zinalibe kanthu kuti ndi angati anayesera kumutsanzira iye, ndi china chirichonse, iye anakhala woona. Ndipo iye anabwerera cholinga, kuti adzamtenge Israeli kumuchotsa mu Igupto, ndi kuwatengera iwo ku dziko lolonjezedwa. Ndipo pamene inadzafika nthawi yoti iwo azipita mdziko lolonjezedwa, kuchoka ku Igupto, apo panadzaima Nyanja Yakuфа panjira. Ndipo iye anatenga zipata za madzi, ndipo zipatazo zinatseguka. Ndipo a—madzi anadzagwera mmbuyo, ndipo Mose anatengera Israeli kupita mchipululu, kupita ku phiri kumene Mulungu anamutuma iye kuti awabweretseko iwo. Ameni. Iye anatenga zipata za mdani.

<sup>51</sup> Atate ake, Abrahamu, anali ndi lonjezo limenelo, kuti Mbewu yake yoona idzatenga chipata cha mdani. Ndipo zipata za madzi zinatsekeda, ndipo iye Bakanatha kuti adutsepo, ndipo imeneyo inali njira ya ntchito. Iye ankayenera kuti awabweretse ana amenewo ku phiri limenelo. Mulungu anamuuzu iye kuti atero. Ndipo pamene po panayima chipata mnjira, ndipo iye anatenga chipata cha mdani.

<sup>52</sup> Yoswa, patapita kanthawi, pamene iwo anadzafika ku Kadeshi-barnea, umene unali mpando wachiweruzo wa dziko pa nthawi imeneyo, pamene po Israeli anakomana ndi chiweruzo chake. Ife tikumupeza Yoswa ndi Kalebu, ndi thwelofu enawo... kapena—kapena ena teni. Mmodzi kuchoka mu fuko lirilonse anatumizidwa kuti akazonde dziko limene iwo anali atakonzeka kuti akalilandire.

<sup>53</sup> Ndipo pamene iwo anawona zimphona zazikulu izo zitaima pamenepo, khumi a iwo anamverera moyipa kwambiri, iwo anati, “Ife sitingathe kulitenga ilo. Ilo ndi lalikulu kwambiri. Bwanji, tayang’anani kutsutsa kumene ife tiri nako.” Koma pamene iwo anadzabwerera kuti akapereke umboni, iwo anabweretsa umboni woipa.

<sup>54</sup> Nchifukwa chiyani iwo anabweretsa umboni woipa, ngati Mulungu anawauza iwo, “Ine ndakupatsani inu dziko limenelo; ndi lanu”? Iye anawauza iwo uko mu Igupto. “Ine ndakupatsani inu dziko ili. Ilo ndi dziko labwino. Ilo likuyenderera mkaka ndi uchi.”

<sup>55</sup> Koma pamene iwo anawona choti achigonjetse kuti chinali chachikulu kwambiri, khumi a iwo anabwerera ndipo anati, “Ife sitingathe kuchita izo.”

<sup>56</sup> Analu Yoswa, iye anawatontholetsa anthuwo, ndipo anati, “Ndife oposa kukwanitsa kulitenga ilo. Ndife oposa kukwanitsa!” Chifukwa chiyani? Iye analu kuyang’ana pa lonjezo. Iye analu Mbewu yoona ya Abrahamu. Mosalabadira zimene otsutsa analu, “Ife tikhoza kutenga chipata, chifukwa Mulungu anatilonjeza dzikolo.” Ndipo iye anatenga chipatacho.

<sup>57</sup> Mtsogolo, pamene iye anadzawabweretsa ana a Israeli ku mtsinje. Apo panadzaima, mmwezi wa Epulo, mtsinje waukulu, ukufufuma. Yordano akutsika kuchokera mmapiri, ndipo anafalikira kufika ku zigwa. Zinkawoneka ngati inali nthawi yoipitsitsa, ya mchaka, imene iyeakanakhala kumeneko. Koma, komabe, iye analu Mbewu ya Abrahamu. Iye ankadziwa kuti iye analu ndi lonjezo, ndipo iye analu mu mzere wa ntchito. Mulungu anamupatsa iye masomphenya, momwe angachitire izo, ndipo iye anatenga zipata za mtsinje. Pamene zipata zinadzatzeguka, madzi anabwerera mmbuyo kumapita ku mapiri. Ndipo Yoswa ndi Israeli anatenga zipata za mdani, ndipo anawoloka kulowa mu dziko lolonjezedwa, chifukwa Mulungu anawauza iwo kuti achite zimenezo. Mbewu Yoona ya Abrahamu!

<sup>58</sup> Abale ndi alongo, pamene iye anakafika kumeneko, Yeriko analu yense atatchingidwa ndi mipanda, yotalika mokwanira mwakuti ankatha kuthamangitsa magaleta atatu pamwamba pake. Aisraeli awa akanachita motani zimenezo ndi malupanga obwerekwa, atawanyamula, ndi chirichonse, ndi ndodo ndi miyala, iwo akanakalowako bwanji kumeneko? Koma iye analu akadali Mbewu ya Abrahamu. Mulungu anamupatsa iye masomphenya, anamuua iye momwe akanachitira izo, anati, “Udzawombe lipenga.” Amen. Ndi zimenezotu. “Udzafuule, uzidzaguba ukupita ku khomalo, zipata zidzagwa pamsaso pako.” Amen! Iye analu Mbewu yachifumu ya Abrahamu. Iye analu wokhulupirira weniweni wa Mulungu. “Zipata zidzagwera pansi pamsaso pako. Udzangofuala, ndipo udzawombe lipenga.

Ndizo zonse zimene ukuyenera udzachite.” Ndipo chinachitika ndi chiyani? Zipata zinagwera pansi, ndipo Yoswa anatenga mzindawo.

<sup>59</sup> Patapita kanthawi, ife tikudzapeza kuti mdani ankathawa ndi kumapitirira, zitatha zimenezo, ndipo mpaka Iye anaimitsa dzuwa pa njira yake. Monga ine ndinayankhulira mmawa wina, pa *Chosamvetseteka*, Iye anaimitsa dzuwa kufikira iye atatenga zipata za mdani wake. Ameni. Iye anadziwa kuti ngati mdani ameneyo akanadzabweranso pamodzi, iwo anali atamwazikana, ndipo dzuwa linali likukalowa, ndipo Amori, ndi Amaleki, ndi ena otero, anali atamwazikana konseko. Ngati iwo akanati abwere pamodzi kenanso, ndi kubwera pamodzi, ndiye iye akanakhala ndi nthawi yovuta yoti awapangitse iwo kuti athawenso. Ndipo panali chinthu chimodzi chokha chimene chinkawagwira, icho chinali nthawi. Ndipo Iye anaiyimitsa nthawiyo. Ameni! Ameni! Panali chinthu chimodzi chimene chimamutalikitsira iye ku lonjezo, chimenecho chinali dzuwa, chirengedwe chikudutsa, ndipo Iye anachiimitsa chirengedwecho. Bwanji? Iye anali Mbewu ya Abrahamu. Iye ankakhulupirira lonjezo la Mulungu. Iye analiimitsa ilo, ndipo anatenga zipata. Inde, bwana.

<sup>60</sup> Amuna opambana awa, onsewo ndi amuna opambana. Koma inu mukudziwa pamene iwo, aliyense wa iwo, pamene iwo anadzafika pa chipata cha imfa, iwo onse anafa. Mmodzi aliyense wa iwo ankayenera kufa. Chifukwa iwo anali anthu opambana, “Iwo anayimitsa—pakawma pa mikango, ndipo anapulumuka moto, ndi lupanga lakuthwa,” ndi zina zotero, monga amatiuzira mu Ahebri 11. Ndipo iwo anatenga zipata za mdani, onse kupatula mdani mmodzi, ndipo ameneyo anali imfa. Imfa inameza aliyense wa iwo.

<sup>61</sup> Ndiye tsiku lina, potsatira panadzabwera Mbewu Yachifumu ya Abrahamu, Yesu Khristu, Mwana wa Mulungu; Mbewu ya Abrahamu, mwa chikhulupiro. Osati kudzera mwa Isaki, mbewu yachirengedwe; iwo anachita gawo lawo. Koma apa panadzabwera Mmodzi Amene sanali wobadwa mwachirengedwe. Apa pakubwera Mmodzi amene sanabwere mwa chikhumbo cha kugonana. Apa pakubwera Mmodzi mwa kubadwa kwa namwali. Mwana wa Mulungu, Mbewu ya Abrahamu, anali Munthu wamkulu bwanji uyu! Zachirengedwe zina zonse zinabadwa mwachirengedwe. Munthu uyu anabadwa mwa kubadwa kwa namwali. Kodi Iye anachita chiyani pamene Iye anadzabwera pa dziko lapansi? Iye anagonjetsa mdani aliyense amene Satana anali naye. Iye anagonjetsa chirichonse.

<sup>62</sup> Kodi Iye anachita chiyani? Iye anapita pamenepo ndipo anakagonjetsa matenda. Sipakanakhala matenda pomuzungulira Iye; kulikonse kumene kunali matenda, Iye anakawagonjetsa iwo. Kodi Iye anachita chiyani Iye atatha kugonjetsa zimenezo? Iye anatipatsa ife mafungulo, ameni,

anati, "Chirichonse chimene mudzamanga padziko lapansi, Ine ndidzachimanga icho Kumwamba." Oh! Amen! Imeneyo ndi Mbewu Yachifumu ya Abrahamu, lonjezo Lake. Mzimu Woyeru uli mwa ife tsopano, ndi mafungulo, akuwagwirizira iwo ku matenda. Iye anagonjetsa matenda. Matenda sangayime mu Kupezeka Kwake. Ndipo Iye ananena kuti Iye anatipatsa ife mafungulo kuti tizichita chinthu chomwe chomwecho, kugonjetsa matenda. "Chirichonse chimene inu mudzachimanga pa dziko lapansi, ine ndidzachimanga Kumwamba."

<sup>63</sup> Ndiponso, mayesero, Iye anayesedwa mwa njira iliyonse monga ife tinayesedwa. Kodi Iye anachita chiyani? Iye anagonjetsa iwo. Ndipo kodi Iye ananena chiyani kwa ife? "Mukaneni mdierekezi, ndipo iye adzathawa kwa inu." Iye anatigonjetsera ife matenda. Iye anatigonjetsera ife mayesero, anagwetsera pansi zipata; anatenga mafungulo kuchoka kwa woyesayo, ndipo anawaperekwa iwo kwa wokhulupirira, wa Mbewu ya Abrahamu, ndipo anati, "Ngati iye akukuyesani inu, mumukane iye, ndipo iye adzakuthawani inu." Oh, mai! Mukaneni iye!

<sup>64</sup> Iye anagonjetsa zonse ziwiri imfa ndi gehena. Iye anadzawuka tsiku lachitatu, akuti, "Ine ndagonjetsa. Ndipo chifukwa Ine ndiri moyo, inunso mudzakhala moyo." Oh, ndi lonjezo bwanji! Zimenezo ndi za kwa Mbewu ya Abrahamu. Iye anagonjetsa manda, anadzawuka tsiku lachitatu, kwa kulungamitsidwa kwathu. Pamene Iye anadzawuka, Iye anali kulungamitsidwa kwathu. Kodi zimenezo zikutipanga ife chiyani? Iye anagonjetsa matenda. Iye anagonjetsa imfa. Iye anagonjetsa gehena. Iye anagonjetsa manda. Iye anagonjetsa mayesero. Oh!

<sup>65</sup> "Tsopano ife ndi oposa agonjetsi mwa Iye amene anatikonda ife, ndi kupereka moyo Wake," pokhala Mbewu Yachifumu ya Abrahamu. Ndi Mzimu womwewo wa Mulungu mwa ife, umene unali mwa Iye, ndife oposa agonjetsi. Chipata chirichonse chagonjetsedwa chifukwa cha ife. Chinthu chokhacho chimene ife tikuyenera kuchita ndi kutenga icho. Icho chinagonjetsedwa kale. Matenda anagonjetsedwa. Imfa inagonjetsedwa. Gehena inagonjetsedwa. Manda anagonjetsedwa. Chirichonse chinagonjetsedwa, ndipo ife tiri ndi mafungulo, mwa chisomo Chake. Kodi inu mukuwopa kuwalowetsa iwo pa loko, ndikuti, "Ine ndikubwera mu Dzina la Yesu Khristu"? "Apempheni Atate chirichonse mu Dzina Langa." Ine ndimamkonda Iye.

<sup>66</sup> Zitadutsa zaka thuu sauzande, zaka thuu sauzande, ndipo Iye akadali pano pakati pathu, Mgonjetsi wamphamu amene anang'amba chinsaru pakati, amene anadzitengera matenda aliwonse, nthenda iliyonse, chirichonse pa Iyeyekha, ndipo ananyamula zoooka zathu mpaka kupita nazo pa mtanda, ndi kudwala kwathu ndi matenda athu, ndipo anagonjetsa izo, ndipo anadzawuka kuti ife tidzalungamitsidwe, ndipo akuyima

wamoyo zitatha zaka thuu sauzande, kuti adzadziwonetsere Yekha ngati Yesu Khristu wamoyo, pakati pa Mbewu yachifumu ya Abrahamu amene ali olandira a zinthu zonse. Oh, mai! Iwo amene pambuyo pake, amadutsa mu yesero, lonjezo la Mawu! Ngati inu mungakhulupirire Mawu, ndiye kuti inunso ndi Mbewu ya Abrahamu. Umo ndi momwe inu mumabwerera kwa Iwo.

<sup>67</sup> Ngati inu simungatenge yesero la Mawu limenelo, ndiye ngati inu mukuwakaikira Iwo, kuwakaikira pang'ono za Iwo, inu simungawakhulupirire Iwo nkomwe, pali chinachake kapena chimzake, inu simungawakhulupirire Iwo, ndiye inu musabwere mu mzere wa pemphero. Ine sindingasewere ngakhale pa guwa, kufikira inu mutapeza chisomo chokwanira chodziwa kuti Mawu a Mulungu ndi owona.

<sup>68</sup> Ndipo pamene inu munadutsa chotchinga chimenecho cha kusakhulupirira, ndiye inu munapeza mafungulo mmanja mwanu, a imfa, gehena, ndi manda, chifukwa muli naye Mgonjetsi Amene anakugonjetserani inu. Ndiye inu muli naye Ahebri 13:8, amene amatiuza ife, “Yesu Khristu ali yemweyo dzulo, lero, ndi kwanthawizonse.” Kodi ife tingachite bwanji zimenezo?

<sup>69</sup> Anthu lero amati, “Oh, chabwino, ine ndikuuzani inu, Iye ali mu—mwanjira inayake, Iye ali.”

“Iye ali yemweyo,” Baibulo linatero.

“Oh, chabwino, Iye samachita lero monga Iye ankachitira.”

<sup>70</sup> Ife tikuzipeza izo pakali pano, pamene ife tikuawawona Mawu Ake akutsimikiziridwa. Kodi iwo amachita chiyani? Iwo amawaponyera Iwo mmbuyo pa chilolo chawo kachiwiri. Ameni.

<sup>71</sup> Mbewu yeniyeni ya Abrahamu imawakhulupirira Iwo. Iwo amawadziwa Iwo. Ndipo Iye akuima, usikuuno, monga pamene Iye anakomana ndi Abrahamu kumeneko mmasiku a Loti ndipo anachita chozizwitsa chimenecho, monga Iye anachitira pakumuza Sarah chimene iye ananena kumbuyo kwa Iye. Yesu analonjeza, Mbewu Yachifumu ya Abrahamu, kuti Mpingo ukanadzawona chinthu chomwecho kusanachitike Kudza Kwake. Ndi chiyani chimenecho? Ichu chiyenera kuchitika. Mulungu analonjeza zimenezo. Yesu Khristu anatsimikizira izo ndipo anati izo zikanadzakhala zomwezo, ndipo ndife apa lero, zitatha zaka thuu sauzande, tikumuwona Iye pakati pathu, akadali Mgonjetsi wamphamvu! Iye anagonjetsa imfa, gehena, manda, zamatsenga zonse; anatenga Mawu . . . ? . . . iye. Inde.

<sup>72</sup> Iye anati, “Ngati inu mudzakhala mwa Ine, ndipo Mawu Anga mwa inu, mudzapemphe chimene mudzachifuna ndipo chidzapatsidwa kwa inu.” Chinali chiyani chimenecho? Mawu, Khristu, Amene ali mu mtima mwanu. “Ngati inu mukhala mwa Ine, Mawu Anga akakhala mwa inu, ndiye kuti inu mwagonjetsa

chirichonse chifukwa Ine ndinakugonjetserani inu izo. Ngati inu mudzakhala mwa Ine, ngati inu mungandimvetse Ine, ngati mungakhale mwa Ine. Iye amene andikhulupirira Ine, amene andilandira Ine; osati kungodzipangitsa kukhulupirira, koma akhoza kulandira. Iye amene amva Mawu Anga, kumvetsetsa Mawu Anga, ndi kukhulupirira pa Iye amene anandituma Ine, ali nawo Moyo wosatha; ndipo sadzabwera ku yesero, kapena kukutsutsidwa, koma wadutsa kuchoka ku imfa wapita ku Moyo.” Ndi Uyo pamenepo, Mgonjetsi wamphamvu!

<sup>73</sup> Ndi Uyu apa lero, yemweyo dzulo, lero, ndi kwanthawizonse. Ndi Uyu apa akuchita pamaso pa Mbewu ya Abrahamu, imene yaitanidwa kuti ituluke mu Babelon, kuitanidwa atuluke mu Sodomu, kuitanidwa atuluke mu dziko, ndi kulekanitsidwa, kuwonetsera lonjezo Lake ndendende basi modutsa. Zitatha zaka thuu sauzande, apa Iye wayima pakati pathu, usikuuno, Mgonjetsi wamphamvu uja, Mawu a Mulungu Amene akutha kuzindikira malingaliro amene ali mu mtima, ndi zolina zake. Ndi chiyani chimenecho? “Mbewu yako idzatenga zipata za mdani wake.” Ndi chiyani chimenecho? Ndi Mbewu ya Abrahamu, Mbewu yachifumu, kukhulupirira Mawu. Ndipo Mawu ndi—Mawu ndi Mulungu.

<sup>74</sup> Tsopano pamene ife tiziwona izi, ife tikhoza kufuula limodzi ndi iwo, monga wandakatulo wakale:

Pokhala moyo, Iye anandikonda ine; pakufa,  
Iye anandipulumutsa ine;  
Poikidwa mmanda, Iye ananyamulira machimo  
anga kutali;  
Powuka, Iye anandilungamitsa mwaulere  
kwanthawizonse:  
Tsiku lina Iye adzabwera—oh, tsiku  
laulemelero!

<sup>75</sup> Wina anati, “Iwe ukukalamba, mnyamata.” Ine sindingachitire mwina zimenezo.

<sup>76</sup> Ine ndakhala moyo kuyambira ndiri mnyamata, chopambana changa chokhacho chimene ine ndinayamba ndakhalapo nacho ndi kumuwona Yesu Khristu Akubwera. Ine ndinaperekayo wanga pa cholinga chimenecho. Ine ndikanali pa guwa, ngati bambo wachikulire, ine ndikukhulupirira Nkhani yomweyo, ndipo chinthus chachikulu chimene ndingachiganizire ndi kumuwona Yesu Khristu akubwera kuchokera mmiyamba kudzawalandira Ake omwe. Mulungu, ndiye wanga... Nzasadabwitsa kuti ife tikhoza kuyimba:

Nonse tamandani mphamvu ya Dzina la Yesu!  
Lolani Angelo agwe modzilambatitsa;  
Bweretsani nduwira yachifumu,  
Ndi kumuveka Iye Ambuye wa zonse.

<sup>77</sup> Bwanji? Iye ndi Mgonjetsi wamphamvu. Ngati inu muli mwa Iye, inu muli mu Mawu. Iye anati, “Ngati mudzakhala mwa Ine, mudzapemphe chimene mukufuna.” “Chimene mungafune,” pakuti chipata chirichonse chagonjetsedwa kale. Ndiye tikhoza kunena kuti:

Pakuti lonjezo lirilonse mu Bukhu ndi langa,  
Mutu uliwonse, ndime iliyonse, ndi mzere.  
Ndkudalira Mawu Ake Oyera,  
Pakuti lonjezo lirilonse mu Bukhu ndi langa.

<sup>78</sup> Abwenzi, kodi inu mukuzindikira chimene izo zikutanthauza? Lonjezo lirilonse limene Mulungu anamupangira Abrahamu, lonjezo lirilonse limene linayankhulidwa ndi aneneri, lonjezo lirilonse limene Yesu Khristu analonjeza ku tsiku lino, Iye ali pano kuti atsimikizire ilo ndi kudzawonetsera kuti ali moyo kwamuyaya. “Mbewu yako idzatenga chipata cha mdani.”

<sup>79</sup> Pamene idzafika ora la imfa. Inu mukuti, “Nanga bwanji zimenezo?” Inu mudzakhalabe ndi Chimene Paulo ananena. “O manda, chigonjetso chako chiri kuti? O imfa, mbola yako ili kuti? Koma mathokozo akhale kwa Mulungu, Amene amatipatsa ife chigonjetso kupyolera mwa Mgonjetsi wamphamvu, Yesu Khristu.” Oh!

Lolani Angelo agwe modzilambatitsa;  
Bweretsani nduwira yachifumu,  
Ndi kumuveka Iye Mbuye wa zonse.

<sup>80</sup> Usikuuno, zitatha zaka thuu sauzande, ife tayima kuti timuwone Iye, apobe, Mgonjetsi wamphamvu Amene anang’amba chinsaru chimene chinkatilekanitsa ife ku lonjezo lirilonse la Mulungu, ndipo ndife oposa agonjetsi mwa Iye. Tiyen'i tipemphera.

<sup>81</sup> Atate Akumwamba, pamene ife taima pano, usikuuno, mu Kukhalapo kwa Mzimu Woyera, Munthu wamkulu uja wa Yesu Khristu mu mawonekedwe a Mzimu, Amene analonjezedwa kuti adzabwera pa Mbewu ya Abrahamu, Mbewu yachifumu. Ife tikupemphera, O Mulungu, ngati pali mwamuna kapena mkazi, mynyamata kapena mtsikana, muno, amene sakukudziwani Inu; iwo ali ndi kukaikira ndi zokhumudwitsa mmalingaliro awo, za Mawu a Mulungu, akupenekera kaya Iwo ndi Choonadi kapena ayi. O Mulungu Wamkulu, Amene munapanga lonjezo, bwerani usikuuno! Pali lonjezo limodzi lalikulu limene Inu munapanga, Ambuye; Inu mukhoza kulisunga lonjezo limenelo, Inu munati, “Iye amene akhulupirira pa Ine, ntchito zimene Ine ndikuzichita iyenso adzazichita; zazikulu kuposa izi iye adzazichita, pakuti Ine ndikupita kwa Atate.” Atate Mulungu, ife tikupemphera kuti Inu mudzatsimikizire Mawu Anu.

<sup>82</sup> Alipo ambiri a ana a Abrahamu pano usikuuno, amene akudwala. Oh, mdierekezi wawatsekereza iwo; iwo awayika

iwo mkgati, ndipo apotokola makiyi, ndipo akuti, “Tsopano iwe uyenera kufa; uli ndi vuto la mtima. Iwe uli ndi *ichi, icho*, kapena *chinacho*, ndipo iwe ukuyenera kufa.”

<sup>83</sup> O Mulungu, mulole lipenga la chisangalalo limveke, usikuuno, la Uthenga, kuti kapolo aliyense athe kupita womasulidwa! Yesu Khristu wagonjetsa zipata zimenezo. Ife tagwirizira makiyi mmanja mwathu. Oh! “Mu Dzina Langa iwo adzatulutsa ziwanda. Ngati inu mudzawapempha Atate chirichonse mu Dzina Langa, Ine ndidzachichita icho. Iye amene akhulupirira pa Ine, ntchito zimene Ine ndikuzichita iyenso adzazichita. Mawu a Mulungu ndi akuthwa ndi amphanamu kwambiri kuposa lupanga lakuthwa konsekone, kudula pakati ndi mmafupa, ndipo ngakhale ozindikira za maganizo amene ali mu mtima.”

<sup>84</sup> “Ndipo monga izo zinali mmasiku a Nowa, chomwechonso izo zidzakhala pa kudza kwa Mwana wa munthu, pakuti iwo anali kudy, kumwa, kukwatira, kukwatiwa; mapulogalamu akuluakulu azomanga.” Ndipo ife tikuliwona dziko, “Padzakhala zizindikiro, zowoneka zowopsya mmwamba (izi ndi mbale zowuluka), zivomezi mmalo osiyanasiyana, mkokomo wa nyanja (mafunde aakulu), mtima wa munthu ukulephera (mantha), kupsyinjika pakati pa fuko, kusokonezeaka kwa nthawi.”

<sup>85</sup> “Ndipo monga izo zinali mmasiku a Loti, chomwechonso izo zidzakhala pa kudza kwa Mwana wa munthu.” O Mulungu, bwerani usikuuno ndipo mudzachite Mawu Anu, bwerani usikuuno ndipo mudzalemekeze chikhulupiriro cha ana a Abrahamu. Kudzera mu Dzina la Yesu Khristu ife tikupempha izi. Ameni.

<sup>86</sup> Ambuye akudalitseni inu, mochuluka. Ine sindipanga kuyitanira paguwa nthawi ino. Ine ndizisiya izo kwa inu. Ine ndimaganiza kuti, nthawi zambiri, kuyitanira kuguwa... Ine ndimakhulupirira ndi iwo. “Koma ochuluka amene analandira, anabatizidwa.” Ndi zimenezotu, “Ochuluka amene anamulandira Iye.” Ife tipempherera odwala.

<sup>87</sup> Ine ndikhoza kuyankhula pano usiku wonse. Ndinu omvetsera okoma. Koma zimene ine ndinganene ndi munthu chabe; koma ngati ine ndinganene Mawu Ake, ndiye iwo si mawu anga, ndi Mawu Ake. Ngati ine ndinena chinachake, ndipo Mulungu sachiiimira kumbuyo icho, ndiye amenewo anali mawu anga. Ngati ine ndinena Mawu Ake, ndipo Iye nkuwaimira kumbuyo Iwo, ndi mwamuna kapena mkazi wochimwa uti, mnyamata kapena mtsikana, amene angachokepo ndi kunena kuti Izo siziri chomwecho?

<sup>88</sup> Yesu, anati pamene Iye anachita zinthu izi, iwo anati, “Munthu uyu ndi wambwebwe. Iye ndi mdierekezi!” Wambwebwe, aliyense amadziwa kuti mbwebwe ndi za

mdierekezi. Iye anati, "Iye ndi wambwebwe." Koma kodi inu munayamba mwamuwonapo wambwebwe akulalikira Uthenga? Kodi inu munayamba mwamuwonapo wambwebwe akutulultsa ziwanda? Ayi, ndithudi, iwo samachita zimenezo.

<sup>89</sup> Iye anati, "Tsopano, Ine Mwana wa munthu ndikukhululukirani inu chifukwa cha izi. Koma pamene Mzimu Woyeru udzabwera, mukadzayankhula motsutsana nawo Iwo simudzakhululukidwa konse mu dziko lino kapena mdziko likudzalo, chifukwa kumeneko nkutchta ntchito ya Mulungu mzimu wonyansa."

<sup>90</sup> Mulungu atichitire ife chifundo, usikuuno, ndipo ine ndikupemphera kuti Mulungu atsike ndi kudzatsimikizira Mawu awa pamaso panu.

<sup>91</sup> M'bale, mlongo, uwu ndi moyo wanga. Ine ndikuyenera ndidzakumane naye Mulungu. Ine ndiri nacho choyankhula pa chimene ndikunena kwa inu. Mulungu adzandifunsa ine pa izo. Uko nkulondola. Zingandichitire ubwino wanji ine kuyima pano ndi kunena zinthu izi ngati ine ndikanadziwa kuti ndikuweruzira moyo wanga ku gehena?

<sup>92</sup> "Pali njira imene imawoneka yolondola kwa munthu, koma mapeto ake ndi njira ya imfa." Mulungu samasowa wotanthauzira. Monga ine ndimanenera, Iye amadzitanthauzira Mawu Ake Omwe.

<sup>93</sup> "Mbewu ya Abrahamu idzatenga chipata cha mdani." Kodi inu mukukhulupirira zimenezo?

<sup>94</sup> Ngati ine ndikanakhoza kukuchiritsani inu, ine ndikanachita izo. Khristu anakuchiritsani kale inu. Chinthu chokha, inu muli ndi fungulo mdzanja lanu. Fungulo limenelo ndi chikhulupiro chanu, kuti muchigwire icho. Tsegulani izo, usikuuno, inu simutero? Pamene Iye akubwera pakati pathu, Mgongjeti Wamphamu ameneyo amene anagonjetsa matenda aliwonse, ndipo abwera pano ndipo adzakuwonetsani inu kuti Iye anachita izo, pakuti Iye akadali Mawu panobe. "Ndipo Mawu ndi ozindikira maganizo amene ali mu mtima."

<sup>95</sup> Khadi lapemphero lanji? B, wani mpaka... Tinayambira kuchokera chiyani, usiku wina uja? [Wina akuti, "Wani."—Mkonzi]. Tiyen tiyambire fifite. Ndani ali ndi khadi la pemphero B, fifite? Kwezani mmwamba dzanja lanu. Khadi la pemphero B. Ife tinayambira pa wani, usiku wina, tsopano ife tiyambira pa fifite, usikuuno.

<sup>96</sup> Ndani ali ndi B, B, fifite? Kwezani mmwamba dzanja lanu. Khadi la pemphero B, fifite. Mukutanthaiza kuti palibe pano? Kodi muli nayo iyo? Chabwino, B, fifite. B, fifite wani, ndani ali nalo? B, fifite wani, chabwino. B, fifite-thuu, ndani ali ndi B, fifite-thuu? Chabwino, inu muli nalo. B, fifite-firii, fifite-foro, bwerani komwe kuno. Fifite-foro, fifite-faivi.

<sup>97</sup> Mnyamata wanga amabwera kuno, ine ndisanabwere, ndi kudzasakaniza mulu wa makadi. Ndi kudzawona momwe iwo aliri, lina *apa* ndi lina *apo?* Iwo samadziwa. Inu mukhoza kubwera kuno pa mzere *uwu* apa ndi kudzatenga wani, wotsatira nkudzatenga teni, wina nkudzatenga twente-faivi. Ife sitikudziwa pamene ilo liri, koma, kulikonse kumene iwo ali.

<sup>98</sup> Tsopano kodi ife tinaítana angati? Faivi, foro? B, fifite. Ndi B, fifite, sichoncho izo? [Winawake akuti, "Inde."—Mkonzi]. B, fifite mpaka fifite-faivi. Fifite-sikisi, fifite-seveni, fifite-eyiti, fifite-naini, sikisite. Tsopano tiyeni tiwone, wani, thuu... Awerengeni iwo, Billy, ndipo ife ti... Sikisite, sevente, aloleni iwo aimirire poyamba, ngati inu mungathe. B, fifite mpaka sevente, sevente-faivi. Awerengeni iwo, M'bale Roy, ngati inu mungathe, pamene ine ndikuyankhula ndi omvetsera.

<sup>99</sup> Ndi angati kunja uko tsopano pamene inu mukuyang'ana mbali iyi, ndipo inu mulibe khadi la pemphero?

<sup>100</sup> Kumbukirani, Yesu anati, "Ntchito zimene Ine ndikuzichita inunso mudzazichita." Nzonna izo? Izo nzonna. Kodi inu mukukhulupirira izo? Mbewu ya Abrahamu inanena chomwecho.

<sup>101</sup> Baibulo limanena, kuti, "Iye ndi Wansembe Wamkulu." Ahebri, mutu wa 4, "Iye ndi Wansembe Wamkulu amene amakhudzidwa ndi zofooka zathu." Kodi inu mukukhulupirira izo? Ngati Iye ali yemweyo dzulo, lero, ndi kwanthawizonse, Iye angachite motani izo?

<sup>102</sup> Panali mkazi wamng'ono, mu Baibulo, pamene inu mukuzindikira zimene ine ndikunena. Mkazi wamng'ono, mu Baibulo, mwinamwake iye analibe khadi la pemphero; koma iye anati mu mtima mwake, "Ngati ine ndingamukhudze Mwamuna ameneyo, ine ndikumukhulupirira Iye." Iye anali atawononga zonse zimene iye anali nazo, chifukwa adoko... ndi madokotala. Iwo sanathe kumuthandiza iye. Vuto lake linali lalikulu kwambiri. Iwo sanathe kumuthandiza iye. Koma ankakhulupirira kuti Mulungu amuthandiza iye. Ndipo iye anakhudza mphonje Yake, ya chovala Chake.

<sup>103</sup> Ndipo Iye anati, "Ine ndazindikira kuti mphamvu zandichokera Ine." Nkulondola uko?

<sup>104</sup> Kodi inu mukukhulupirira kuti Iye ali yemweyo, usikuuno? Kodi inu mukukhulupirira kuti Iye ali pano? Ndi angati akukhulupirira kuti Iye anawuka kwa akufa? Tsopano inu mungatsimikizire bwanji kuti Iye anawuka kwa akufa?

<sup>105</sup> Osati kale litali, mwamuna wotchuka wa Baptisti anabwera kwa ine, ndipo iye anati, "M'bale Branham, ine ndinagonjetsedwa—ndinagonjetsedwa, nthawi ina, ndi Wachimuhamadi amene ananena zimenezo. Iye anati, 'Ngati Iye wawuka, Iye analonjeza kuti Iye akanadzachita chinthu

chomwecho. Tiyen'i timuwone Iye akuchita izo.” Mwaona, iwo amakhulupirira kuti Iye sanachite izo.

<sup>106</sup> Koma ife timakhulupirira kuti Iye amachita zimenezo. Ife timakhulupirira kuti Iye anawuka kwa akufa. Palibe chipembedzo china pa dziko lapansi chimene chingatsimikizire kuti woyambitsa wake ali moyo, koma Chikhristu. Ndipo njira yokhayo imene Mulungu angatsimikizire Izo, ndi kudzera mwa iwo amene amakhulupirira izo; pakuti ndiyo njira yokhayo imene Mulungu amachitira Mawu Ake, ndi iwo amene amawakhulupirira Iwo.

<sup>107</sup> Tsopano pamene iwo akufola mzere waung’ono wa pemphero uwu apa. Ine sindikudziwa kuti titenga angati. Ine ndikufuna aliyense wa inu, mugwire malo anu, mugwire mpando wanu, musayendeyende. Muyang’ane mbali iyi ndipo mupemphere, nenani, “Ambuye Yesu, ine ndikukhulupirira.”

<sup>108</sup> Inu mukukumbukira, Iye anandiua ine, “Ngati iwe udzawapangitse anthu kuti azikukhulupirira iwe; ndipo nkudzakhala woonamtime pamene ukupemphera.” Zimenezo zakhala kudutsa fuko lino, mmbuyo ndi mtsogolo, kwa zaka fifitini, palibe nthawi imodzi imene izo zinalepherapo. Izo sizingalephere.

<sup>109</sup> Mulungu, chinthu chimodzi chimene Mulungu sangathe kuchita, ndicho kulephera. Iye amayenera kusunga Mawu Ake. Ine ndikukhulupirira zimenezo. Ine ndikukhulupirira izo basi monga ine... kuposa momwe ndikukhulupirira kuti ndaima pano, kuposa momwe ine ndikukhulupirira kuti ndiri mnyumba ino; ichi chikhoza kukhala chizimezime, chikhoza kukhala loto. Mmoyo mwanga, ndikudziwa Yesu Khristu Mwana wa Mulungu ali moyo. Ndipo inu pokhala Mbewu ya Abrahamu, inu pokhala wakufa mwa Khristu, ndinu Mbewu ya Abrahamu.

<sup>110</sup> Tsopano iwo ali ndi mipango ina pano. Kupambana kwakukulu kumachitika ndi awa, anthu amene amakhulupirira. Tsopano tiyen'i tiweramitse mitu yathu, pamene iwo akukonzekera, ndi kupempherera izi.

<sup>111</sup> Atate Akumwamba, timaphunzitsidwa mu Baibulo, ndipo pali anthu pano amene amakhulupirira Mawu aliwonse amene Inu munawanena kuti ndi Choonadi. Ambuye, nthawizina iwo amadzandima ndi kumenya pabowo la kiyi, ndi kiyi, kuliphonya ilo, ndi kumakhula, koma akukhulupirira kuti ziri mmenemo. Mungowalola iwo azimenyabe, iwo apeza izo, pakuti ziri mmenemo. Ndipo kiyi ameneyo ndi kiyi wolondola, “Ngati inu mungakhulupirire, zinthu zonse ndi zotheka.” Pamene nyimbo ikuyimbidwa tsopano, kapena ikuseweredwa.

<sup>112</sup> Mu Baibulo ilo limanena kuti, “Paulo anatenga kuchokera pa thupi pake mipango ndi zovala, ndipo anazitumiza izo kwa odwala ndi osautsika, ndipo mizimu yonyansa inawachokera anthu, ndipo iwo anachiritsidwa.”

<sup>113</sup> Tsopano, Ambuye, ife tikudziwa kuti Paulo Woyeru ali ndi Inu. Koma, sanali iye; munali Inuyo, Ambuye, Khristu mwa iye. “Si ine amene ndikukhala moyo, koma Khristu amene akukhala moyo mwa ine,” iye anatero.

<sup>114</sup> Ndipo tsopano kwa m’badwo uno, Inu mukadali Khristu panobe, lero, monga inu munali dzulo. Ndipo pamene ine ndikupempherera mipango iyi, kuigwira iyo, ine ndikupemphera kuti Inu mugonjetse mdani aliyense. Apatseni iwo chikhulupiriro, kuti iwo adziwe kuti mdani wagonjetsedwa.

<sup>115</sup> Ndipo nthawi ina, Nyanja Yofiira, monga ife tangozinena kumene, inamudula Israeli ku lonjezo, ndipo iwo anali mu mzere wa ntchito. Ndipo wolemba wina anena, kuti, “Mulungu anayang’ana pansi ndi maso okwiya, kudzera mu Lawi la Moto lija, ndipo nyanja inachita mantha, ndipo inatsegula zipata zake, ndipo iwo anawoloka.”

<sup>116</sup> Yang’anani pansi, usikuuno, kudzera mu Magazi a Yesu Khristu. Ndipo mulole, pamene mipango iyi iti ikaikidwe pa odwala, mulole mdani akawone chikhulupiriro chathu, usikuuno, pamene ife tikupemphera pemphero la chikhulupiriro ili kwa iwo. Ndipo mulole mmodzi aliyense awomboledwe, mu Dzina la Yesu Khristu. Ameni.

<sup>117</sup> Tsopano ndikufuna tcheru chanu chosagawanika. Aliyense amene ali pa maikrofoni apa, mukhoza kuyikweza iyo. Chifukwa, ngati Mzimu Woyeru ungachite izi... Ine sindikunena kuti Iye atero.

<sup>118</sup> Tsopano aliyense amene angabwere kuno ndi kudzakuuzani inu kuti ali ndi mphamu yochiritsa odwala, musakhulupirire zimenezo. Mphamu zonse ziri mwa Khristu. Iye ndi Mgongetsi, osati inu ndi ine. Ife timangovomereza zimene Iye wachita. Palibe munthu ali ndi mphamu yopulumutsa kapena kuchiritsa.

<sup>119</sup> Munthu aliyense mdzikolo lapansi, mtengo wake unalipiridwa kale. Chofunikira chinalipidwa. Izo zinali bwanji? “Iye analulazidwa chifukwa cha zolakwa zathu, ndi mikwingwirima Yake ife tinachiritsidwa.” Anu—machiritso anu analipiridwa. Chipulumutso chanu chinalipiridwa. Kodi inu muli ndi chikhulupiriro choti mubwere, kudzalandira izo? Ndizo zonse. Ngati inu muli Mbewu ya Abrahamu, inu muli nacho. Mulungu analonjeza izo. Pali chinachake mwa inu chimene chikuti chiripamenepo, ndipo ndi chomwecho.

<sup>120</sup> Tsopano kodi mphatso ndi chiyani? Kodi mphatso ndi kupita kukachiritsa anthu? Ayi. Mphatso ndi kudzichotsapo wekha panjira, kuti Mulungu akhoze kukugwiritsa iwe ntchito.

<sup>121</sup> Tsopano Iye analonjeza kuti, chizindikiro chotsiriza, mogwirizana ndi Yesu Khristu, “Monga izo zinali mmasiku a Sodomu, iye asanawotchedwe.” Osati zinthu zina zisanachitike, Uthenga unalalikidwa ndi Loti, ndi zina zotero; osati

zimenezo. Koma iye asanawotchedwe, Mulungu anatsika mu mawonekedwe a munthu, ndipo anadzakhala ndi Mpingo wosankhidwa, Abrahamu ndi gulu lake, amene anali ndi lonjezo.

<sup>122</sup> Tsopano kumbukirani, Mbewu ya Abrahamu yokha imalandira izi. “Kanthawi pang’ono ndipo dziko silidzandiwonanso Ine,” Yesu anatero. “Inu mudzandiwona Ine, pakuti Ine ndidzakhala ndi inu, mwa inu, mpaka kumapeto a dziko lapansi.”

<sup>123</sup> Koma Iye analonjeza, izo zisanachitike Iye anabweranso kachiwiri, “Monga momwe izo zinaliri mu Sodomu,” taonani zimene Sodomu akupeza; taonani zimene Mpingo wosankhidwa ukupeza, anati, “chomwechonso izo zidzakhala pa kudza kwa Mwana wa munthu.” Mulungu anawonetseredwa mmawonekedwe a munthu, kuti ndi nsana Wake atatembenuzira ku hema, anamuua zimene Sarah akuchita mkatи mwa hema. Aliyense akudziwa kuti icho ndi Choonadi, kwezani manja anu. Ndizo ndendende. Tsopano Iye analonjeza izo. Ife tiri kumapeto a nthawi. Tsopano kumbukirani, icho chinali chinthu chotsiriza chimene chinachitika; ndipo dziko la Amitundu linawotchedwa, Sodomu, ndipo mwana wolonjezedwayo anadza powonekera. Ife tikuyembekezera Mwana wolonjezedwa, Mwana wa Mulungu.

<sup>124</sup> Ndi ife apa. Mulungu atsegule maso anu. Ine sindikudziwa chirichonse choti ndinene. Mulole Iye atsegule maso anu.

<sup>125</sup> Tsopano Atate Akumwamba, ndine wopanda chochita, ndine mulu wa dongo limene Inu munaliumba pamodzi, ndi kudzaliyika kuno. O Mulungu, mulole ine, usikuuno, ndikhale ndi chisomo Chanu ndi Kukhalapo, kuti mukhale Inu amene mukhoza kugwiritsa ntchito timibulu tating’ono ta dongo iti timene Inu muli nato pano. Kutи iwo, Ambuye, amene Inu munawaitanira ku Moyo Wamuyaya, ndipo mwinamwake sanalandirebe Iwo, mulole iwo awone malonjezo awa. Iwo mwinamwake anaphunzitsidwa kuti izo zinali za tsiku lina, koma ndi apa mu Baibulo. Zitsimikizireni Izo, Ambuye. Ndiko kutanthauzira Kwanu Komwe. Izo sizikusowa zochuluka kuposa zimenezo. Ngati Inu mungazipange izo chomwecho, ndiye iwo adzawona kuti Mawu ndi owona. Perekani izi, Atate. Ife tikudzipereka tokha kwa Inu.

<sup>126</sup> Mulole munthu aliyense muno, Ambuye, agwiritse ntchito chikhulupiro chawo, usikuuno. Mulole membala aliyense wa Fuko la Abrahamu, kudzera mwa Yesu Khristu, akhale ndi chikhulupiro, usikuuno, ndipo avomereze Kukhalapo Kwanu. Ndipo ife tikupatsani Inu matamando. Ameni.

<sup>127</sup> Tsopano, kodi iyi ndi la-... Tsopano izi nzachirendo. Ine ndikufuna kuti inu mundithandize ine tsopano, mundipempherere ine. Mukhale chete kwenikweni, musayendeyende. Khalani chete, mupempherere.

<sup>128</sup> Tsopano, mwaona, izo zikusintha kuchokera ku uvangeli, zikupita koti mumasuke mwanjira yakuti Mzimu wa Mulungu ukutengereni inu kwathunthu mu gawo lina.

<sup>129</sup> Tsopano apa payima wamng'ono uyu...Bwera kuno pang'ono, dona. Ndipo basi...Izo zonse ziri bwino, kuchitira kuti ine ndisachoke pa maikrofoni awa. Mwaona, ine sindikudziwa chimene chiti chichitike, inu mwaona, ndiyeno nthawizina, inu mukudziwa...Tsopano njira yokhayo imene ine ndikudziwira izo, ndi—ndi pa maikrofoni, inu mwaona, ndipo iwo akuyesera kuzigwira izo kunja uko, ndipo ine sindikudziwa chiyani.

<sup>130</sup> Tsopano ndife alendo kwa wina ndi mzake. Ine sindikukudziwa iwe, sindinayambe ndakuwonapo mmoyo wanga. Koma ndiwe wocheperapo kuposa ine. Ndipo ife mwinamwake tinabadwa motalikirana mamailosi, ndipo zaka motalikirana. Ino ndi nthawi yathu yoyamba kukumana. Nkulondola uko? Ngati ndi choncho, kweza mmwamba dzanja lako kuti omvetsera awone. Tsopano, iye ndi mkazi chabe wayima apa.

<sup>131</sup> Penyani, zitengereni izo mmbuyo ku Lemba. Tiyen'i titenge Yohane Woyer'a 4. Aliyense wa inu mukawerenge izo mukapita kwanu. Osati—osati kuti mkazi uyu ndi mtundu umenewo wa mkazi; ine sindikudziwa. Ndipo inu mukudziwa kuti ine sindine Yesu Khristu. Koma Iye ali pano. Ndi Iyeyo. Tsopano Mzimu Wake ukutidzoza ife, ukhoza kuulula vuto lake, monga Iye anachitira kwa mkazi pa chitsime. Chinthu chomwecho.

<sup>132</sup> Ndipo, pa icho, pamene ansembe ndi atsogoleri a tsiku limenelo, anati, "Munthu uyu ndi wambwebwe, kapena mdierekezi, Belezebule."

<sup>133</sup> Mkazi uyu anati, "Bwana, ine ndazindikira kuti Inu ndi mneneri. Ife tikudziwa kuti Mesiya akubwera, ndipo chimenecho chidzakhala chizindikiro Chake."

<sup>134</sup> Tsopano, ndi angati akudziwa kuti zimenezo ndi zoona? Chabwino, ngati Iye ali yemweyo dzulo, lero, ndi kwanthawizonse, kodi chimenecho sicingakhale chizindikiro Chake usikuuno? Kodi Iye analonjeza kuti izo zikanadzakhala, mapeto a nthawi asanafike? Tsopano tiwone ngati Iye amasunga lonjezo Lake kwa Mbewu ya Abrahamu.

<sup>135</sup> Tsopano ngati aliyense muno akuganiza kuti izo nzolakwika, inu mubwere pano ndipo mudzachite chinthu chomwecho. Ngati izo siziri, ndiyene musanene kanthu za izo. Inu muli nawo mwayi.

<sup>136</sup> Tsopano, mu Dzina la Khristu, ine ndikutengera mzymu uliwonse pansi pa ulamuliro wanga, kwa ulemelero ndi ulemu wa Mulungu.

<sup>137</sup> Ine ndikungoyenera kuti ndiyankhule nawe, kamphindi, dona wamng'ono. Iwe ukudziwa, Ambuye wathu anayankhula

kwa mkazi uja pa chitsime. Iye anati, “Ndibweretsere Ine akumwa.” Kodi Iye ankachita chiyani?

<sup>138</sup> Tsopano penyani, Iye ananena, mu Yohane Woyer 5, “Indetu, indetu, ndinena kwa inu, Mwana,” ameneyo anali Iye, thupi, “sangachite kanthu mwa Inendekha,” kokha monga Iye amawawonera Atate akuchita. “Chimene Atate achita, Iye amamuwonetsa Mwana. Mwaona, Ine sindingachite kanthu mwa Inendekha, koma monga Ine ndikuwonera Atate akuchita.” Ndiye, Yesu sanachite chozizwitsa chimodzi mpaka poyamba Mulungu atamuwonetsera Iye mwa masomphenya; osati kumuuzza Iye mu khutu Lake, koma amamuwonetsera Iye. “Chimene ine ndikuwona,” osati kumva, “kuwona Atate akuchita.” Icho ndi chimene chinamupanga Iye kukhala Mneneri wonga Mose, monga Mose ananenera. Tsopano pamene Iye—Iye ankadziwa Atate... Iye anali pa...

<sup>139</sup> Iye ankapita ku Yeriko, koma Iye ankasowa kuti adzere ku Samariya, ndipo Iye anafika ku mzinda wa Sukari. Ndipo tsopano mwaona, Asamariya ankafunafuna Mesiya.

<sup>140</sup> Ayuda ankafunafuna icho, ndipo Iye anawawonetsera iwo chizindikiro Chake. Filipo, Nataniele, Petro, mwamsanga pamene chizindikiro chimenecho chinachitidwa, iwo anati, “Inu ndi Mwana wa Mulungu.”

Rabbi anati, “Munthu uyu ndi Belezebule.”

<sup>141</sup> Koma tsopano kumbukirani, Amitundu, ife, ife tinali a Anglo-Saxon, ife—ife sitinkafunafuna Mesiya. Ife tinali achikunja, Aroma, ndi ena otero. Ife sitinkamufunafuna Mesiya. Iye amangobwera kwa iwo amene akumufunafuna Iye.

<sup>142</sup> Koma Asamariya ankamufunafuna Iye, chotero Iye ankayenera kuti adzere kwa iwo, chokwera kudzera ku Samariya. Iye anakhala pansi pa chitsime. Dona wamng’ono, mwinamwake wa usinkhu wako, anatulukira. Iye anali mkazi wa mbiri yoipa. Iwe unawerengapo nkhanayo, ine ndikuganiza. Ndipo Iye anati, “Mkazi, ndibweretsere Ine akumwa.”

<sup>143</sup> Iye anati, “Oh, si mwambo wake kuti Inu, Myuda, mumufunse Msamariya zimenezo.”

<sup>144</sup> Iye anati, “Koma ngati iwe ukanaadziwa Amene iwe ukuyankhula naye, iwe ukandanipempha Ine akumwa.”

<sup>145</sup> Kukambirana kunapitirira. Potsiriza, Iye anadzapeza pamene vuto lake linali. Inu mukukumbukira chimene ilo linali? Analu ndi amuna ambiri. Ndipo anati, “Pita ukatenge mwamuna wako, ubwere kuno.”

Iye anati, “Ine ndiribe aliyense.”

<sup>146</sup> Anati, “Wanena bwino,” anati, “chifukwa wakhala nawo faivi, ndipo amene uli naye pano si wako.”

<sup>147</sup> Iye anati, “Bwana, ine ndazindikira kuti Inu ndi mneneri. Ife tikudziwa Mesiya akubwera, Iye adzatiuza ife zinthu izi.”

Ndipo Iye anati, “Ine ndine Iye.”

<sup>148</sup> Iye anasiya mtsuko wake wamadzi, nathamangira mu mzinda, ndipo anati, “Bwerani, mudzamuwone Mwamuna Amene wandiuza ine zimene ndinachita. Kodi uyu si Mesiyayo?” Iwo anali asanakhale ndi mneneri kwa mahandiredi a zaka. Ndipo apa panali Munthu amene ankadzinenera kuti ndi Mesiya, ndipo anatsimikizira kuti anali a—mneneri, ndipo anawonetsera chizindikiro cha Mesiya.

<sup>149</sup> Kodi izo zingakupangitseni inu kukhulupirira chinthu chomwecho, ngati Iye akanachita chinthu chomwecho, pokhala Iye ali yemweyo dzulo, lero, ndi kwanthawizonse, ndipo walonjeza mwa Malemba awa kuti Iye akanadzachita izo?

Kodi izo zingapangitse omvetsera kukhulupirira?

<sup>150</sup> Iwe ukuvutika ndi vuto la impsyö. Ngati uko nkulondola, kweza mmwamba dzanja lako.

<sup>151</sup> Nchifukwa chiyani nthawizonse izo zimabwerabwera pankhope yanga? Wina akuti, “Iye wapeka zimenezo.” Ine sindinapeke nkomwe zimenezo.

<sup>152</sup> Apa, iye ndi mkazi wabwino. Kodi ukundikhulupirira ine? Tsopano iwe ukudziwa kuti sindinapeke zimenezo. Ndirole ine ndinene chinachake. Mwamuna wako ali ndi iwe. Iye akuvutika, nayenso. Sichoncho Iye? Vuto la nsana. Izo nzoona. Si choncho? Iwe uli ndi mnyamata wamng’ono. Iye akuvutika, nayenso. Iwe ukufuna kuti iye apemphereredwe. Iye ali ndi chinachake chimene chikumuvuta ndi maso ake. Uko nkulondola. Iwe uli ndi mtsikana wamng’ono, iye ali ndi vuto la impsyö, monga iwe. Nkulondola uko? Tsopano inu nonse mukhoza kukhala bwino, ngati iwe ungakhulupirire. Kodi iwe ukukhulupirira zimenezo? Mulungu akudalitse iwe. Pita panjira yako ndipo ukakhale bwino.

<sup>153</sup> Kodi inu mukukhulupirira? Iye ali yemweyo dzulo, lero, ndi kwanthawizonse. Ndi chiyani chimenecho? Kodi Iye akuyesera kuchita chiyani? Kwa inu, Mbewu ya Abrahamu, Iye akukuwonetsnerani inu kuti Iye sanafe. Ine sindingathe kuchita zinthu zimenezo. Iye sanafe. Koma Iye ali moyo, akukuwonetsnerani inu kuti inu muli nawo ufulu wotenga zipata za mdani wanu. Izo zikuyenera kukhazikitsa izo.

<sup>154</sup> Dona uyu, bwera mbali iyi, mphindi chabe. Ndife pafupifupi, penapake ofanana usinkhu, ine ndikuganiza. Koma ife tiri—ndife alendo kwa wina ndi mzake, monga momwe ine ndikudziwira. Ine sindikukudziwani inu, ndipo ndife alendo. Ine sindikudziwa kalikonse ka inu. Ngati ziri zoona, kwezani mmwamba dzanja lanu, mwaona. [Mlongo akuti, “Izo nzoona.”—

Mkonzi]. Ena a iwo anakupatsani inu khadi la pemphero, ndipo ndi inu apa. Chabwino. Tsopano ngati Ambuye Yesu . . .

<sup>155</sup> Ngati ine, mwinamwake, zikanakhala kuti ndimayesera kutenga malo a M'bale Oral Roberts, kapena ena a amuna opambana a chikhulupiriro awo, ine ndikananena kuti, “Dona, ndi chiyani chakuvutani inu?”

<sup>156</sup> Inu mukadanena kuti, “Chabwino, ine ndiri ndi *chakuti ndi chakuti*.” Tsopano, iye mwina akhoza kukhala kuti sakulondola. Mukuona? Ine sindikudziwa. Mukuona? Koma, iye, iwe ukhoza kumuuzza iye chimene chiri cholakwika.

<sup>157</sup> Iye angakhoze kuika manja pa iwe, nkuti, “Mulungu ananditumiza ine—kuti ndidzapempherere odwala. Kodi inu mukukhulupirira zimenezo?” “Inde.” “Ulemelero kwa Mulungu! Pitani, mukhulupirire izo.”

<sup>158</sup> Izo ziri bwino. Izo ziri bwino. Mulungu analonjeza zimenezo. Koma, inu mwaona, ife tikukhala motalikirapo pang'ono—tsiku kuposa limenelo. Yesu analonjeza, “Monga zinali mmasiku a Sodomu. Ntchito zimene Ine ndikuzichita inunso mudzazichita.”

<sup>159</sup> Tsopano ngati Mulungu angandiuze ine chimene inu mwakhala muli, inu mudziwa ngati izo ziri zonna kapena ayi. Iye akhoza kukuuzani inu chimene mudzakhale. Ndipo ngati izo ziri zonna, izi zikhala zonna, aponso. Ngati Iye angakuuzeni inu, chirichonsecho, ine sindikudziwa; koma ngati Iye angandiuze ine chimene vuto lanu liri.

<sup>160</sup> Kodi inu mukhulupirira izo, aponso, omvetsera?

<sup>161</sup> Ine ndithudi ndiyenera kuyima. Nthawi imodzi ija, munthu uja amene anali kuno kanthawi kapitako, amene akuyenera kutsimikizira izo. Yesu anachita izo nthawi ina. Iye sanachite izo nthawi inanso. Aliyense ku Sukari anakhulupirira izo, anakhulupirira umboni wa mkaziyo, pamene iye anabwera, anawauza iwo, ndipo iye anali mkazi wa mbiri yoyipa. Mkhristu wangochoka pa nsanja, pamaso pa inu nonse! Ameni. Koma pokhala kuti nthawi yatha kuposa momwe tikuganizira, Ambuye apitirize kudzitsimikizira Yekha, Mgonjetsi wamkulu, wamphamu, kuti Mbewu ya Abrahamu . . . Koma monga Abrahamu, Iye anamuchitira izo Abrahamu, kamodzi; kenako anawononga icho, ndipo anadzachitanso icho. Abrahamu mopitirira kuti amukhulupirire Mulungu.

<sup>162</sup> Simuli pano chifukwa cha inueni. Inu muli pano chifukwa cha winawake, ndipo ameneyo ndi dona. Ndi mlongo wanu. Ndipo donayo ali ndi mthunzi wa imfa. Ndipo akuvutika ndi a—matenda a shuga. Ndipo iye si wochokera kuno. Iye akuchokera ku a . . . Iye akuchokera ku Louisiana, dziko la madambo. Izo . . . Ndipo apa pali chinthu china, kuti omvetsera athe kudziwa ichi. Iwe uli ndi mwana wamkazi amene akudwala kwenikweni, amene akukonzekera kudzakhala nawo pa msonkhano uno,

ndipo ali ndi khunyu. Izo nzoona. Izo ndi zonna. Sichoncho izo? Kodi inu mukukhulupirira tsopano? [Mlongoyo akuti, "Inde. Ameni."—Mkonzi.] Ngati ndinu Mbewu ya Abrahamu, vomerezani izo ndipo nyamukanipo, ndipo muchiritsidwe mu Dzina la Yesu Khristu.

<sup>163</sup> Kodi inu mukukhulupirira? Ndithudi. Kumbukirani, ndi lonjezo Lake. Iye anati Iye akanadzachita izo. Iye amasunga lonjezo Lake.

<sup>164</sup> Inu muli bwanji? Ndife alendo kwa wina ndi mzake. Ine sindikukudziwani inu. Koma Mulungu akukudziwani. Kodi inu mukhulupirira ngati Mulungu angaulule kwa ine vuto lanu, ndiyе inu mudziwa kuti izo zikuyenera kubwera kuchokera ku mphamvu ina yauzimu. Tsopano, pali zinthu ziwiri zokha zimene izo zingachokerekо, zimene inu mukhoza kuziganizira. Izo zikachitika, zimakhala zakuti sungazifotokoze, chifukwa izo ndi chozizwitsa. Ndipo, komanso, ndi chododometsa; chinachake, chabwino, icho ndi chosamvetseka, komabe choona. Icho chingakhale chododometsa. Ndipo tsopano inu mukudziwa izo, kaya izo ndi zonna kapena ayi, inu mudziwa ngati Iye wakuuzani inu Choonadi.

<sup>165</sup> Tsopano, kumbukirani, ine sindikukudziwani inu. Akuyenera kukhala Winawake pambali pa ine. Ngati inu mungachite monga Afarisi, ndipo anati, "Oh, ndi mzimu woyipa," mukatero mudzalandira mphotho imeneyo. Ngati inu mungakhulupirire kuti ndi Khristu, inu mulandira mphotho Yake. Chifukwa chimene inu mungakhulupirire izo, chifukwa Iye analonjeza izo kwa tsiku lino, ndipo izo sizinakhalepo kuchokera nthawi imeneyo kufikira pano. Izo zimapangitsa izo kukhala nthawi yakumapeto.

<sup>166</sup> Pali winawake amene akumangowonekera pamaso panu, nthawi zonse. Ndi bambo, wamutu wa imvi. Ndi mwamuna wanu. Wakhala pomwe apo. Iye akuyesera kuti avomereze machiritso ake, ali ndi mthunzi wa khansa, chotupa, khansa. Inu muli ndi vuto la imppsyо, vuto la chikodzodzo. Ndinu Bambo ndi Mayi Little. Nkulondola uko? [Mlongo akuti, "Inde."—Mkonzi]. Mukhulupirire ndi mtima wanu wonse, ndipo muchiritsidwe.

<sup>167</sup> "Inu mukuti lake, dzina lawo?" Bwanji, ndithudi. Kodi Yesu sanamuuze Petro, "Dzina lako ndi Simoni, mwana wa Yona"?

<sup>168</sup> Apa pali mwamuna. Ndife alendo kwa wina ndi mzake, bwana. Ine sindikukudziwani inu. Koma ndinu mwamuna, monga—monga Petro akubwera kwa Ambuye Yesu, ife tabwera pamodzi. Kodi inu mukundikhulupirira ine kuti ndine wantchito Wake? Kodi inu mukukhulupirira kuti zimene ndanenazi ndi zonna? [M'baleyo akuti, "Inde, bwana. Ine ndikutero, bwana."—Mkonzi]. Ngati inu mungakhulupirire izo! Ine, ngati pali chirichonse chimene ine ndikanakuchitirani inu, ine ndikanachichita icho, koma palibe chimene ine ndingachite. Iye

anachita kale izo; ndi chinachake basi choti chikupangitseni inu mukhulupirire izo. Ndipo, mwaona, izo sindingakhale ine. Ngati ndikanakhala ine, ndikanatero—ndikachita zonse zimene ndingathe kwa inu. Koma Iye anandipatsa ine mphatso, ndipo ine ndimangodzipumulitsa ndekha pamaso pa Iye, ndipo Iye amachita zoyamlazo. Kodi inu mukukhulupirira zimenezo? [“Inde.”]

<sup>169</sup> Kodi inu mukukhulupirira zimenezo, omvetsera?

<sup>170</sup> Ndimafuna kumupeza bamboyo. Inu muli ndi zinthu zingapo zolakwika ndi inu. Koma chimodzi cha zinthuzo ndi, muli ndi chotupa pa diso lanu la kumanja. Ndiro vuto lanu lenileni. Apa pali chinthu china, mkazi akungowonekerawonekera apa. Ndi mkazi wanu. Kodi inu mukukhulupirira kuti Mulungu akhoza kundiua ine chimene chamuvuta mkazi wanu apa? Vuto lake liri mkamwa mwake. Ndi mano ake. Uko nkulondola. Kodi inu mukukhulupirira kuti Yesu yemweyo, Amene ankadziwa chimene Simoni Petro anali, akhoza kundiua ine chimene inu muli? [M’baleyko akuti, “Inde.”—Mkonzi]. Kodi izo zingakupangitseni inu kukhulupirira kwambiri? [“Inde, bwana.”] Izo zingatero? [“Inde.”] Oscar Barnes. [“Uko nkulondola.”] Nkulondola uko? Pitani pa njira yanu wa kwanu, muchiritsidwe.

<sup>171</sup> [Malo opanda kanthu pa tepi—Mkonzi.] . . . mlendo kwa inu. Ine sindikukudziwani inu, koma Mulungu akukudziwani. Kodi inu mukukhulupirira kuti Iye ndi wokhoza kundiua ine chimene vuto lanu liri? Kodi inu mungakhulupirire izo ndi mtima wanu wonse? Vuto lanu liri kuzungulira pa mmtero wanu, ndi pachifuwa chanu apa. Ndi a—ndi kuvunda kwa fupa. Inu mukumakhala ndi zotupa, monga, ndi mfundo mhati mwa fupa. Uko nkulondola. Sindinu wochokera kuno. Ndinu mu-mzinda umene uli ndi minda ya malalanje mozungulira iwo. Iwo uli mchigwa, ndipo kuli mapiri kumbuyo kwake. Kuli hotelo yotchedwa Antlers. Ndi San Bernardino. Ndi kumene inu mukuchokerako. Bwererani, Yesu Khristu wakuchizani inu, ngati inu mungakhulupirire izo.

<sup>172</sup> Pali chinthu chimodzi chokha chimene chingachiritse khansa, ndicho Mulungu. Kodi inu mukukhulupirira kuti Iye akuchizani inu? [M’baleyko akuti, “Ine ndithudi ndikutero.”—Mkonzi.] Mukhulupirire izo! Kazipitani, ndipo Ambuye Mulungu akakupangeni gawo lirilonse wamphumphu.

<sup>173</sup> Posachedwapa inu mwakhala kupatula- . . . wamanjenje kwambiri, wokhumudwa kwenikweni. Ndi manjenje awa, mimba yanu yafika mu chochitika. Inu mukulephera kugaya chakudya chanu; kuchibweretsa mkamwa mwanu. Muli chidulo mkamwa mwanu monse. Madzulo, inu mumakhala wotopa kwenikweni ndi chirichonse. Inu muli ndi chironda mmimba mwanu. Kodi inu mukukhulupirira kuti ameneyo ndi Yesu

Khristu amene akhoza kukuuzani inu zimenezo? [Mlongo akuti, "Inde."—Mkonzi]. Pitani mukadye mgonero wanu, ndiye. Mukhulupirire ndi mtima wanu wonse, Yesu Khristu wakuchizani inu.

<sup>174</sup> Muli bwanji? Pali zinthu zambiri zolakwika. Koma chimodzi cha zinthu zimene inu mukuziwopa, inu mulumala ndi nyamakazi. Koma kodi inu mukukhulupirira kuti Mulungu akuchizani inu, akupangani inu kuti mukhale bwino kwa izo? [Mlongo akuti, "Inde."—Mkonzi].

<sup>175</sup> Ambuye Yesu, ine ndikupemphera kuti Inu mupereke izo kwa mlongo wanga. Mpatseni iye kopenya kwake. Chotsani vuto la donayo kwa iye, ndipo muchiritse nyamakaziyo, mu Dzina la Yesu. Ameni.

<sup>176</sup> Kazipitani tsopano, mukukhulupirira. Iye achita izo, ndipo izo zikhala bwino. Musakaikire, kazipitirirani kumayenda, ndipo mukhulupirire ndi mtima wanu wonse.

<sup>177</sup> Vuto la mtima ndi chinthu choyipa, koma Khristu amachiritsa mtima. Kodi inu mukukhulupirira zimenezo? [Mlongo akuti, "Inde."—Mkonzi]. Pitani, mukhulupirire zimenezo, ndipo zonsezoo zichitidwa. Izo zatha.

<sup>178</sup> Kodi inu mukukhulupirira kuti mulumala? Ayi, ine sindikuganiza chomwecho, nanenso. Lingaliro langa, nyamakazi; mthunzi umenewo apo, oh, imeneyo ndi khansa. Kodi inuu mukukhulupirira kuti Iye achiza iyo? [Mlongo akuti, "Inde, ndikutero."—Mkonzi.] Kazipitani, mukhulupirire izo. Iye akupanga inu kukhala wamphumphu.

<sup>179</sup> Zakhala zikukusautsani inu, zasiya kanthawi pang'ono kapitako, kutsekeka mu mtima. Koma kodi inu mukukhulupirira kuti zitha, usikuuno? Kazipitani, mukukhulupirira izo, Yesu Khristu wakuchizani inu.

<sup>180</sup> Zakhala vuto laling'ono, kuchokera ku vuto lachikazi, kwa nthawi yaitali. Ndiyeno, inu mumakhala, mumakhala ndi vuto lodzuka mmawa. Inu mumawuma, mmiyendo mwanu. Inu mumalephera kuti tuyende, mpaka kufika nthawi, ya masana. Ndi nyamakazi. Kazipitani, musakaikire, inu simukhala nazonso izo. Mungokhulupirira izo, ndi mtima wanu wonse.

<sup>181</sup> Inu muli ndi zinthu zingapo, zosokonezekwa. Koma chinthu chimodzi chimene chikukuvutitsani inu moyipa kwambiri, inu mumaganizanso za nyamakazi, imene ili, ikukupualitsani inu. Kodi inu mukukhulupirira kuti Iye akupangitsani inu kuti muziyenda ndipo mukhala bwino? [Mlongo akuti, "Inde, bwana."—Mkonzi]. Kazipitani, mukhulupirire izo ndi mtima wanu wonse, Yesu Khristu akuchizani inu.

<sup>182</sup> Mtima wamanjenje, ndi nyamakazi, koma kodi inu mukukhulupirira kuti Mulungu akuchizani inu? Inu mukutero? Kazipitani, ndipo Ambuye Yesu akuchizeni inu.

<sup>183</sup> Mimba imeneyo ndithudi yakupatsani inu mavuto ambiri mu zaka zingapo zapitazi, sichoncho izo? Iyo siitero aponso. Kazipitani, mukhulupirire izo. Mulungu akudalitseni inu. Muchiritsidwe.

<sup>184</sup> Inu mukhoza, nanunso, mimba yanu yachiritsidwa. Kazipitani, mukhulupirire ndi mtima wanu wonse. Osakaikira.

<sup>185</sup> Mumavutika kupuma, mphumu yakale ija ndithudi imakugwetserani inu pansi. Sichoncho izo? Kodi inu mukukhulupirira kuti izo zichitika tsopano? [M'baleyo akuti, "Inde."—Mkonzi]. Chabwino, kazipitani mukakhulupirire izo. Ameni.

<sup>186</sup> Aleluya! Kodi inu mukukhulupirira ndi mtima wanu wonse?

<sup>187</sup> Mphindi chabe. Kodi inu simukuwona Kuwala uko apo? Dona wamng'ono wachikuda akundiyang'ana ine, wakhala pansi pomwe apa, iye ali ndi chotupa mmbali yake yakumanzere. Iye ali ndi vuto la impsylo, zosokonezeka. Inu munali ndi chikhulupiro chochuluka. Inu simukusowa kuti mubwere pano. Izo zatha. Ingokhulupirirani izo. Ameni. Mukhale ndi chikhulupiro mwa Mulungu!

Kodi inu mukukhulupirira zimenezo?

<sup>188</sup> Kodi inu mukukhulupirira, mlongo, inu muthana nalo vuto la nsana limenelo, mutakhala pamene? Kodi inu mukukhulupirira kuti Iye akuchizani inu? Chabwino. Basi musakaikire zimenezo, ndipo inu mukhoza kulandira izo ngati mutangokhulupirira izo.

<sup>189</sup> Mwamuna wakhala apayu, akundiyang'ana ine, amavutika ndi vuto la thumbo, amadzuka usiku ndi zinthu. Kodi inu mukukhulupirira, bwana? Izo zitha, ndiye, ngati inu mukukhulupirira izo.

<sup>190</sup> Apa pakhala bambo wachikuda wakhala apa, akundiyang'ana ine. Iye akuvutika ndi khunyu. Iye nayenso akufunafuna ubatizo wa Mzimu Woyeria.imirirani pa mapazi anu, bwana, muvomereze machiritso anu. Mulungu akupatsemi inu ubatizo wa Mzimu Woyeria. Ameni.

<sup>191</sup> Wakhala moyang'anizana ndi inu, pali mwana wakhala pamene, amene nayenso ali ndi khunyu, kukhala ngati amakomokakomoka, wakhala kunja uko, ku mbali inayo. Kodi inu mukukhulupirira kuti Mulungu amuchiritsa mwanayo, pamene? Kodi inu mukukhulupirira ndi mtima wanu wonse? Ndiye Mulungu amuchiritsa mwanayo.

<sup>192</sup> Kodi inu mukukhulupirira, mmodzi aliyense wa inu? Kodi—kodi si Iye, kodi Iye ndithudi si Mbewu Yachifumu ya Abrahamu? Kodi Iye si Mgongetsi wamphamvu? Kodi Iye anakulonjezani kuti mudzatenga zipata za mdani?

<sup>193</sup> Ndi angati a inu muli omangidwa, mukumva kupsyinjika kwa mdani? Kwezani manja anu, amene mukumverera

kupsyinjika kwa mdani. Ndipo ndinu Mbewu ya Abrahamu, kwezani mmwamba manja anu monga chonchi. Nenani, “M'bale Branham, ine ndikuvutitsidwa ndi manjenje.” Oh, mulipo pafupifupi eyite peresenti a inu muli ndi zimenezo. Nenani, ine... Zangokhuthara kwambiri tsopano, gulu lonseli likungokhala ngati mkaka waukulu, izo pafupifupi zikundipangitsa ine khungu, kunja uko kumene inu muli.

<sup>194</sup> Kodi inu simukuwona, kuti apa twente kapena sarte, mwinamwake, amene alipo, kapena kupitirira, pomwe pano pa nsanja iyi ndi kunja mwa omvetsera awo, kuti Mulungu samalephera? Ndi Yesu Khristu yemweyo dzulo, lero, ndi kwanthawizonse. Kodi inu mukukhulupirira zimenezo? [Osonkhana akuti, “Ameni.”—Mkonzi]. Ndiye bwanji osatero, Mbewu iliyonse ya Abrahamu, bwanji simukutenga fungulolo tsopano? Mgonjetsi wamkulu, amene anakugonjetserani izo, ali pano. Iye watsimikizira kuti ali pano. Kodi inu mukumukhulupirira Iye?

<sup>195</sup> Ndiye mutenge fungulo lanu la chikhulupiro, mufikire mmwamba ndi manja anu, ndi kuti, “Yesu Khristu, ine ndikukhulupirira machiritso anga, pakali pano.” Iimirirani pa mapazi anu. Kwezani manja anu, tsegulani chikhulupiro chanu tsopano. “Ine ndikukhulupirira, Ambuye Yesu. Ine ndikukhulupirira pakali pano.”

<sup>196</sup> Tsopano ikanani manja anu pa wina ndi mzake. Ikanani manja anu pa wina ndi mzake, Mbewu ina ya Abrahamu. Tsopano inu mumupempherere munthu ameneyo. Ikanani manja anu pa iwo. Yesu anati, “Zizindikiro izi zidzawatsatira iwo amene akhulupirira. Ngati iwo adzayika manja awo pa odwala, iwo adzachiritsidwa.”

<sup>197</sup> Satana, iwe walephera nkhondo. Mu Dzina la Yesu Khristu, tuluka muno, ndipo ulole anthu awa azipita, kwa ulemelero wa Mulungu.



*MBADWA ABRAHAMU* CHA64-0207  
(The Patriarch Abraham)

Uthenga uwu wa M'bale William Marrion Branham, woperekedwa mu Chingerezi Lachisanu madzulo, Feburuwale 7, 1964, ku Kern County Fairgrounds mu Bakersfield, California, U.S.A., unatengedwa kuchokera pa matepi ojambulidwa ndi maginito nudindidwa mosachotsera mawu ena mu Chingerezi. Kumasulira kwa Chichewa uku kunadindidwa ndi kugawidwa ndi Voice Of God Recordings.

CHICHEWA

©2022 VGR, ALL RIGHTS RESERVED

VOICE OF GOD RECORDINGS, MALAWI OFFICE  
P.O. Box 51453, LIMBE, MALAWI

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Chidziwitso kwa ofuna kusindikiza

Mafulu onse ndi osungidwa. Bukhu ili mukhoza ku printa kunyumba kwanu ngati mutafuna kuti mugwiritse ntchito inuyo kapena kuti mukawapatse ena, ulere, ngati chida chofalitsira Uthenga wa Yesu Khristu. Bukhu ili simungathe kuligulitsa, kulichulukitsa kuti akhalepo ambiri, kuikidwa pa intaneti, kukaliika pakuti ena azitengapo, kumasuliridwa mu zinenero zina, kapena kugwiritsidwa ntchito ngati njira yopezera ndalama popanda chilolezo chochita kulembedwa ndi a Voice Of God Recordings®.

Ngati mukufuna kuti mumve zambiri kapena ngati mukufuna zipangizo zina zimene tiri nazo, chonde mulembere ku:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)